


授堂文鈔卷之三

擬師 武億撰

擬曾子固答歐陽公論氏族書

承執事教以氏族之辨宜早已自竭愚力然尤懷有所私敢復于肅執事蓋率頃之所示書以諸侯年表推之雖大功德古侯亦未有終漢而國不絕者未能以為信然也漢書曾參傳家乃封參元孫之孫本始為平陽侯二千戶王封時亮子宏嗣建武中封平陽侯至今八侯張湯傳放子純王莽時不失爵建武中愿位始侯此二侯皆王莽



西陲要略

年士大夫于役西陲率攜瑣談聞見錄等書為枕中
清所載不免附會大實有好奇誌怪之癖山川沿革

之歷代史乘

開闢新疆之始末律

不作亦奮若

自文細思新

二萬餘里為

宗純皇帝神武獨闢之區千古未有餘畝得與履

西陲要畧自序

近年士大夫于役西陲率攜瑣談聞見錄等書爲枕中祕惜所載不免附會失實有好奇誌怪之癖山川沿革按之歷代史乘皆無攷據又於開闢新疆之始末僅就傳聞耳食爲之演敘訛舛尤多夫記載地理之書體裁近史貴乎簡要倘不足以信今而證古是無益之書可以不作赤奮若之歲余奉謫濠池橐筆自效緬思新疆周二萬餘里爲

高宗純皇帝神武獨關之區千古未有余旣得親履其

西陲要畧序

一
粵雅堂叢書

地多所周歷得自目覩而昔年備員史職又嘗伏讀御製文集詩集及

平定準噶爾回部方畧二書故於新疆舊事知之最詳頗堪自信適松湘浦先生駐節邊庭以伊江爲總統南北兩路之地親事丹鉛創爲事畧十二卷已又奉有續輯同文志之

命將彙送各城故實事蹟余獲總司校核叅證見聞益覺信而有據爰就要者攷而錄之備存其畧凡四卷並撥聞見錄諸書中之可信者證以所見纂爲二篇附載

書後俾後之人知所折衷云

嘉慶丁卯夏五月壽陽祁韻士鶴皋甫自識

西陲要畧序

一
粵雅堂叢書

西陲要畧目錄

卷一

南北兩路疆域總敘

南北兩路山水總敘

南北兩路卡倫總敘

南北兩路軍台總目

卷二

南北兩路城堡總目

南北兩路職官總目 兵額附

西陲要畧目錄

卷三

伊犁駐兵書始

伊犁興屯書始 三屯水利附

訓練

牧養

卷四

土爾扈特源流

哈薩克源流

布魯特源流

霍罕路程記

厄魯特舊俗紀聞

回俗紀聞

西陲要畧目錄

一
國子雅堂叢書

西陲要畧卷之一

前史官壽陽郝韻士鶴皋輯

南北兩路疆域總敘

今之新疆卽古西域出肅州嘉峪關而西過安西州至哈密爲新疆門戶天山橫矗其間南北兩路從此而分由哈密循天山之南迤邐西南行曰土魯番曰喀喇沙爾曰庫車曰阿克蘇曰烏什曰葉爾羌曰和闐曰英吉沙爾曰喀什噶爾是爲南路由哈密踰天山之北迤邐由北而西曰巴里坤曰古城曰烏魯木齊曰庫爾喀喇

西陲要畧卷一

一 粵雅堂叢書

烏蘇曰塔爾巴哈台曰伊犁是爲北路漢書西域傳所載南道北道皆在天山以南今之所謂南路北路則合天山南北而中分之總屬於伊犁全境之地東界安西州東北界阿拉善及喀爾喀蒙古北界科布多西北界哈薩克部西南界布魯特及霍罕安集延等部南界西藏東南界青海蒙古東西七千餘里南北三千餘里周圍二萬餘里就其相距道里計之自伊犁惠遠城東北行一千五百餘里至塔爾巴哈台城又東北七百餘里與科布多以額爾齊斯河爲界伊犁自北而西及塔爾

巴哈台東北一帶皆哈薩克游牧伊犁西南一帶邊外皆布魯特游牧自伊犁惠遠城東行一千餘里至庫爾喀喇烏蘇城又東經綏來昌吉二縣行八百餘里至烏魯木齊城卽迪化州俗呼爲紅廟子者也自烏魯木齊東南越博克達山通土魯番五百餘里自烏魯木齊東行經阜康縣行四百餘里至古城又東經奇台縣行七百餘里至巴里坤城有鎮西府及宜禾縣在焉南卽天山極高峻路經天山行三百餘里抵哈密城此北路之疆域也自伊犁惠遠城南越穆蘇爾達巴罕至阿克蘇

西陲要畧卷一

二

粵雅堂叢書

一千餘里由阿克蘇西北二百餘里至烏什由烏什而西經樹窩子草地行七百餘里直達喀什噶爾城乃捷徑布魯特游牧於此凡伊犁西南及阿克蘇烏什西北一帶皆布魯特游牧卽所謂東布魯特是也自阿克蘇由南而西一千四百餘里至葉爾羌城自葉爾羌西北五百九十餘里至喀什噶爾城中有英吉沙爾城其巴達克山回部距英吉沙爾西南烏魯克卡倫一千七百餘里喀什噶爾所屬卡倫以外與布魯特游牧連界卽所謂西布魯特是也外通安集延及霍罕諸部落又自

葉爾羌東南行七百餘里至和闐城迤南沙磧戈壁或雪嶠連岡路不復通自葉爾羌東南出庫車雅爾卡倫經和闐西南行月餘可達西藏沿途山徑狹隘兼多煙瘴路極難行詢之克什米爾及安集延喀齊商回言由西藏西北拉達克之地往復貿易有至葉爾羌者先年準噶爾台吉策妄阿喇布坦遣其將大策凌敦多卜擾藏曾由此路云自阿克蘇東北行七百餘里至庫車城庫車西南一帶界阿克蘇和闐西北至伊犁一千七百餘里庫車東南皆沮洳草澤人馬難行自庫車東北行

西陲要畧卷一

三
粵雅堂叢書

九百餘里至喀喇沙爾城由城西北經著勒土斯河至納喇特達巴罕四百八十里接伊犁東南界喀喇沙爾東南一帶或沙磧戈壁或湖灘泥淖人馬難行自喀喇沙爾東北行九百餘里至土魯番東南經闐展回城約五百餘里至羅卜諾爾卽古蒲昌海也又東南多戈壁大山界連青海西北界連烏魯木齊自土魯番東北行一千二百餘里抵哈密城此南路之疆域也由哈密南至南湖三十里外俱戈壁北與巴里坤宜禾縣連界東至嘉峪關一千五百餘里其嘉峪關外赤斤湖地方南

行百餘里至庫克拖羅垓卽青頭山路通青海凡關外
赴藏熬茶之蒙古人等經行此路焉

西陲要畧卷一

四

粵雅堂叢書

南北兩路山水總敘

新疆境內之山發脈於蔥嶺自西而東天山最大卽漢書所謂祁連山山之陽爲土魯番哈密山之陰爲巴里坤然跨越數千里重巖疊嶂隨地異名最著者在北路若伊犁之額琳哈畢爾罕塔爾巴哈台之楚呼楚烏魯木齊之博克達在南路若喀什噶爾之玉斯圖阿爾圖什葉爾羌之密爾迪和闐之桑谷樹雅烏什之貢古魯克阿克蘇之穆蘇爾達巴罕喀喇沙爾之博爾圖達巴罕皆其分支盛夏積雪不消俗槩以雪山呼之新疆諸水分流異趨南路之水皆東流出自南北山中若喀什噶爾之烏蘭烏蘇葉爾羌之玉河和闐之哈喇喀什玉隴喀什二河烏什之瑚什奇阿克蘇之渾巴什庫車之渭干喀喇沙爾之開都悉東滙於土魯番之羅卜淖爾凡南北山積雪融化之水皆入之齋淪渟滯伏流地中卽古蒲昌海也北路之水若伊犁諸河多西流塔爾巴哈台之額爾齊斯諸河多東流烏魯木齊之瑪納斯諸河多北流或歸入淖爾或流經葦湖或伏入沙磧以及雪融會合之水甚多蓋嘗一一詳攷之

伊犁之山有格登山在城西南一百餘里有額琳哈畢爾罕山在城東北哈什河接連圍場山陰一帶約三百餘里有阿布喇勒山在城東二百餘里哈什河東一帶與烏魯木齊之博克達山一脈有阿勒坦額墨爾都圖山在城西北四百餘里有塔爾奇山在城東北一百餘里有崆郭羅鄂博在城東北五十餘里水則有伊犁河附近城南縣互千餘里流入哈薩克游牧有哈什河在城東北二百餘里有崆吉斯河在城東七百餘里此二水即伊犁河有特克斯河源在城南隔山三百餘里東流而上流

西陲要畧卷一

六 函雅堂叢書

北北而西亦爲伊犁河上流有奎屯河有策集河有薩瑪爾河俱在城西北三百餘里有霍爾果斯河在城西北二百餘里有察罕烏蘇山泉在城北二百餘里有阿里瑪圖河在城北二百餘里此外東北而南尚有烏哈爾里克有關里沁有濟爾哈朗有博羅布爾噶蘇有察布察爾各河汲水灌溉廣利屯田有賽里木淖爾在城東北隔山二百餘里係察哈爾游牧西南一帶又有特穆爾里克有格根有哈爾奇喇有察林諸水皆資游牧凡境內之水皆朝宗於伊犁河惟賽里木淖爾不與焉

西南四百餘里鄂爾果珠勒及哈爾奇喇等卡倫以外
行百餘里有善塔斯大嶺山中多產野蔥疑漢書所謂
蔥嶺者此其支脈自善塔斯西行三百餘里至特穆爾
圖淖爾其水周廣數百里西北南三面皆山山麓皆布
魯特游牧沿岸潮沙土人以之熬鍊特穆爾者譯言鐵
也圖者有也淖爾者海子也言此水產鐵故名並產大
魚由淖爾南岸越巴爾渾大山渡塔爾垓河溯流向東
南越大山可達回疆烏什此水西流歸納林河入安集
延由淖爾南岸至塔爾垓河共行三百餘里西南過察
奇爾圖大山經穆蘇爾達巴罕西麓由此而西仍經布
魯特游牧又行五百餘里至鐵里冶克山嶺下二十餘
里西而轉南由南而東共行四百餘里至喀什噶爾矣
穆蘇爾達巴罕者冰山也在伊犁南界自伊犁西南行
一千五百餘里始至山趾云

塔爾巴哈台之山則有塔爾巴哈台山又名楚呼楚在
城北一百餘里有巴克圖山在城西七十餘里有珠爾
呼珠山在城東北二百餘里有霍博克薩里山在城東
二百餘里有達爾達木圖山在城東南五百餘里有巴

爾魯克山在城南二百餘里有格德蘇山在城西南五百餘里有綽諾庫圖勒山在格德蘇山迤東水則有額彌勒河城南縣互三百餘里有固爾圖河在城東南二百餘里有額爾齊斯河在城東北七百餘里與科布多以此河爲界有齋桑淖爾在城東北五百餘里爲額爾齊斯所滙又有噶扎勒巴什淖爾在城東四百餘里有額賓格森淖爾有阿勒克圖琥勒淖爾在城西南卡倫以外有扎噶蘇淖爾在城東北附近額爾齊斯河此外亦有泉源諸水均資屯牧

西陲要畧卷一

八
粵雅堂叢書

自伊犁而南至烏什則有貢古魯克山在城北二百餘里有巴什雅哈瑪山在城西南一百里有雅滿素山在城西北二十里水則有畢底河來自布魯特游牧東流分爲二支南一支復分爲三又東流合而爲一與北一支滙而東流出境其官屯及回莊田畝均資灌溉

喀什噶爾之山則有玉斯圖阿爾圖什山在城西北九十餘里有穆什山在城西北一百五十餘里有塔什密里克山在城西南一百五十餘里三山連岡疊翠環繞三面直接英吉沙爾上多積雪春融回莊資以灌溉水

則有伊蘭烏瓦斯河有圖舒克塔什河有烏蘭烏蘇河
有霍色爾河有泰里布楚克河各流統匯烏蘭烏蘇爲
大河回田亦賴灌輸之益下流匯入葉爾羌和闐諸水
英吉沙爾之山連喀什噶爾其水則有圖木舒克大河
東自布魯特流至城南闊四五丈至沙梁架木橋以渡
行人回民開渠引以溉田

葉爾羌之山則有密爾迪山在城西南二百餘里產玉
有瑪爾瑚盧克山在城西南四百餘里產玉又有一大
山在葉爾羌西南與密爾迪山相連峭拔特出峯巒層
疊懸互無際回人呼爲塔爾塔什達巴罕疑卽所謂蔥
嶺者是也水則有玉河自密爾迪山流出南支分入和
闐

西陲要畧卷一

九

粵雅堂叢書

和闐境內正南一帶之山與葉爾羌之密爾迪諸山連
岡不斷皆積雪水則有哈喇喀什河本名桑谷樹雅有
玉隴喀什河有哈琅圭塔克河俱多產玉且資灌田
阿克蘇山則有穆蘇爾達巴罕在城北五百餘里卽冰
山伊犁阿克蘇南北兩路孔道也有滴水崖在城東温
巴什地方察爾奇克西南六十里產銅有鹽池溝在鄂

依斯四十里產銅水則有渾巴什河在城西五十里
庫車迤北一帶亦係雪山繇互有丁谷山在城西北一
百餘里又城北百餘里有山產礪砂水則有渭干河在
城西百餘里源自北山出環城東南流回莊多引渠溉
田

喀喇沙爾山則有博爾圖達巴罕在城東北一百三十
里有著勒土斯山在城西北一帶接連雪山迴環千里
其中水草暢茂土爾扈特和碩特兩部落游牧於此水
則有著勒土斯河在著勒土斯之地有開都河在城西

西陲要畧卷一

十

國朝雅堂叢書

門外五里源出大雪山經喀喇沙爾城西水勢甚闊回
人引渠灌注田畝有布古爾葦湖在城西四百餘里湖
上有土橋一乃西入回疆之咽喉卽漢書所謂土橋之
險凡自葉爾羌和闐喀什噶爾阿克蘇庫車英吉沙爾
烏什等處東北來者皆於此過渡舍此別無路徑也

土魯番之山卽天山東北界巴里坤西達穆蘇爾達巴
罕又西極蔥嶺繇互數千里水則有羅卜諾爾在城東
南五百餘里其澤周圍數百里爲西域東南一大藪澤
中有回莊二處人戶各四五百每年貢水獺皮九張設

六品伯克居之歸土魯番約東此諾爾普受西域回疆諸水及雪山冰山消融之水停而不流潛行地中東南至西甯所屬番目那木錯多瑪遊牧有山名噶達蘇赤老出而爲黃河經星宿海卽青海南岸東流至西甯一千餘里

詳見御製河源記

古所謂河出崑崙墟蓋因天山蔥

嶺及穆蘇爾冰嶺一帶蒙古語呼爲崑都崙急呼則爲崑崙其羅卜諾爾所匯之水無非自天山蔥嶺而來特由羅卜諾爾伏流地中至噶達蘇赤老始見是爲黃河之源或以羅卜諾爾爲卽星宿海誤矣

西陲要畧卷一

十一 國雅堂叢書

哈密之山卽天山最高處在城北一百三十里山之北三百餘里爲巴里坤水則有柳谷水在城東北源出天山藉資灌田焉

南北兩路卡倫總敘

新疆北路之塔爾巴哈台與科布多毗連以額爾齊斯

河為界河東卡倫地名和尼邁拉虎隸科布多河西卡

倫地名輝邁拉虎隸塔爾巴哈台自輝邁拉虎至塔爾

巴哈台夏季設大小卡倫十三處烏里雅蘇圖 哈瑪

博洛呼濟爾 固爾班烏里雅蘇圖 哈達蘇 特

莫綽爾霍 哈拉布拉 干齊漢莫多 喜呢烏蘇

策克德克果勒 扎哈 冬季設卡倫八處 錫伯圖 博

蘇淖爾 輝邁拉虎 俄棟果勒 烏里 勒齊爾 布

爾噶素台 烏蘭布拉 瑪呢圖噶圖勒干 此外俱哈

雅素圖 鄂倫布拉克 瑪呢圖噶圖勒干 此外俱哈

薩克游牧塔爾巴哈台西南一帶卡倫八處巴克圖 瑪呢圖

西陲要畧卷一

沙喇布拉克 察罕托輝 額爾格圖 巴 界連伊犁

爾魯克 莫多巴爾魯克 阿魯沁達蘭 鄂魯沁達蘭

卡倫以外亦哈薩克游牧伊犁東北七百餘里與塔爾

巴哈台接界之處由哈布塔海沁達蘭一帶而南設大

小卡倫二十三處塔爾奇阿滿 鄂博勒奇爾 鄂勒

達爾達木圖 小扎克鄂博小哈布塔海 音德爾圖

小烏柯克小沁達蘭小索達巴罕 沖庫克小哈喇烏

卓爾小阿爾奇圖哈瑪爾小穆魯小沙喇布魯克小察

奇爾圖呢蓋小庫庫托木 察罕烏蘇小雅瑪圖小鄂

托克賽哩安達 察哈爾領隊大臣專轄卡倫以外俱哈

拉 博碩圖

薩克游牧又西而南尾至伊犁河北岸設大小卡倫八

處霍爾果斯 齊齊罕 奎屯 博羅呼濟爾 喀鄂

羅鄂倫小叶朋擬奎來圖小輝發小叶朋擬奇沁

索倫領隊大臣專轄卡倫以外俱哈薩克游牧自伊犁

河南而西設大小卡倫十六處固爾班托海 安達拉 沙布爾托海 托里

瑪哈沁布拉克 春稽服魁聯之喇烏里雅蘇圖小 額木訥察罕烏蘇 霍依圖察罕烏蘇小塔木哈喇吐

朝後 喇察罕托海小托查圖 沙喇托羅海小厄楞莫 多 哈喇烏蘇色奇音小察林多歡喇剛廳駐之

錫伯領隊大臣專轄卡倫以外隔河與哈薩克接壤其

錫伯屯牧西南因有回子屯所每年夏秋設卡倫於達

爾達木圖以資巡察由錫伯卡倫接連迤西轉南而東

大小卡倫十七處特穆爾里克 特穆爾里克渡口 雅巴爾布拉克 鄂博圖 額爾格

圖 扎拉圖 哈爾奇喇渡口 庫圖勒 格根 鄂爾果珠勒 哈爾奇喇 沙里雅斯 特克斯沁 敦

西陲要畧卷一

三 粵雅堂叢書

達哈布哈克 伊克哈布哈克 額魯特領隊大臣專轄卡

倫以外西北係哈薩克游牧西南係布魯特游牧又厄

魯特屯牧東南設卡倫八處塔爾巴特 拜布拉克 博托木 赤老圖 昌曼

烏弩古特 納喇 博爾克阿曼 界連喀喇沙爾之土爾扈特和碩

特游牧亦係額魯特領隊大臣專轄至伊犁城北塔爾

奇一帶及伊犁河渡口設有卡倫七處沙喇布喇克 塔爾奇 干珠

罕 庫庫哈瑪爾 庫庫鄂囉木 鄂博勒齊爾 固爾扎渡口 專為貿易哈薩克並

稽察逃人而設惠甯城領隊大臣專轄此伊犁及塔爾

巴哈台所屬大小卡倫方向皆將軍統轄也自伊犁南

越穆蘇爾達巴罕至回疆烏什城西北一帶設卡倫六

處巴什雅哈瑪畢底爾沙土外通布魯特烏什

辦事大臣專轄自烏什而西經草地布魯特游牧地名

樹窩子七百餘里直達喀什噶爾城由城東北而西轉

南設大小卡倫十七處巴爾昌伊蘭烏瓦斯冲布爾罕七里克伊斯里克

阿爾哈布拉克圖舒克塔什勒沁烏瓦斯喀琅

圭喀爾拜烏蘭烏蘇烏帕拉特蘇巴什郭爾吉罕玉都巴什外通布魯特西達霍罕安集延

喀什噶爾參贊大臣專轄自喀什噶爾東南行二百餘

里至英吉沙爾城由城西北而南設大小卡倫十二處

西陲要畧卷一

西陲雅堂叢書

鐵列克奇克滿烏魯克俄爾多籠空伊布拉

克托依洛克特比斯綽達雅爾特爾格齊克

達卜薩圖木舒克汗達喇克外通布魯特西

南千數百里以外至巴達克山英吉沙爾領隊大臣專

轄自英吉沙爾東行三百餘里至葉爾羌城由城西南

轉而東北設卡倫七處梁噶爾伙什喇卜庫庫雅爾玉喇里克齊靈桑珠

里賽西南一帶外通布魯特東北卡倫向為稽察逃入

葉爾羌辦事大臣專轄自葉爾羌東南行七百餘里至

和闐城和闐東西河設卡倫十二處向為稽察採玉又

扎瑪爾卡倫一處通阿克蘇為稽察逃人而設和闐領

隊大臣專轄自葉爾羌東北行一千四百餘里至阿克

蘇城其東北通著勒土斯設卡倫二處阿爾通伙什稽尼維爾阿塔稽

察喀喇沙爾所屬之土爾扈特游牧阿克蘇辦事大臣

專轄自阿克蘇東北行七百餘里至庫車城由城西北

而南設卡倫五處博勒奇爾 渭宦塔什里克 沙爾達朗 沙雅爾特里木 賽拉里克

專稽察逃人庫車辦事大臣專轄自庫車東北行八百

餘里至喀喇沙爾城由城東北設卡倫二處察漢通格沙扎蓋圖

稽察逃人喀喇沙爾辦事大臣專轄自喀喇沙爾東北

行九百餘里至土魯番城由城西南而東設卡倫六處

西陲要畧卷一

五 粵雅堂叢書

稽察逃人土魯番領隊大臣專轄自土魯番東北行一

千二百餘里至哈密城由城東北設卡倫四處稽察逃

人哈密辦事大臣專轄此回疆各城所屬卡倫方向也

南北兩路軍台總目

伊犁至塔爾巴哈台及精河有軍台無營塘精河至烏魯木齊有軍台有營塘烏魯木齊至土魯番有軍台有營塘烏魯木齊經巴里坤至哈密無軍台有營塘土魯番至哈密有軍台無營塘喀什噶爾至土魯番有軍台無營塘哈密至嘉峪關有軍台有營塘

伊犁起至嘉峪關各台站

伊犁惠遠城東北七十里至烏哈爾里克台東北八十

里至塔爾奇阿滿台東四十里至博勒齊爾台八十

西陲要畧卷一

六 國學雅堂叢書

里至鄂爾哲圖博木台九十里至胡素圖布拉克台

八十里至托霍木圖台七十里至托里台一百三十

里至精河台一百二十里至托多克台九十里至固

爾圖台九十里至墩木達台八十里至布爾噶濟台

七十里至

庫爾喀喇烏蘇底台八十里至奎屯台九十里至安集

海台一百里至烏蘭烏蘇台一百一十里至

瑪納斯台一百二十里至圖爾里克台一百二十里至

呼圖壁台九十里至洛克倫台一百二十里至

烏魯木齊鄂倫拜昇底台一百二十里東至昂吉爾圖
台一百一十里至哈喇巴勒噶遜台一百一十里至
哈必爾罕布拉克台一百里至根忒克台六十里至
土魯番底台八十里至勝金台九十里至里雅木沁台
一百二十里至

關展台五十里至蘇魯圖台六十里至齊克騰木台一
百八十里至鹽池台一百二十里至梧桐窩台一百
四十里至套賴泉台六十里至肋巴泉台五十里至
橙槽溝台八十里至瞭墩台八十里至鴨子泉台七
十里至三堡台六十里至頭堡台六十里至

西陲要畧卷一

七
粵雅堂叢書

哈密底台七十里至黃蘆岡台七十里至長流水台七

十里至格子煙墩台一百四十里至苦水台七十里

至沙泉子台九十里至星星碛台八十里至馬蓮井

子台七十里至大泉台八十里至紅柳園台七十里

至白墩子台九十里至安西台七十里至小灣台九

十里至卜隆吉台九十里至三道溝台五十里至玉

門縣台九十里至赤斤碛台一百一十里至惠回堡

台九十里至嘉峪關

以上六十站共五千二百餘里

庫爾喀喇烏蘇起至塔爾巴哈台十二軍台

庫爾必喇台 沙喇烏素台 鄂倫布拉克台 沙

爾扎克腰站台 烏爾圖布拉克台 坤都倫烏蘇

腰站台 雅瑪圖台 托里布拉克腰站台 沙喇

霍羅素台 阿布達爾莫多腰站台 色德爾莫多

台 于齊罕莫多腰站台 塔爾巴哈台底台以上一千

五百餘里

喀什噶爾至土魯番各軍台

喀什噶爾底台一百一十里至庫森塔斯渾台一百里

西陲要畧卷一

七 粵雅堂叢書

至

英吉沙爾台七十里至托布拉克台五十里至察木倫

台一百里至喀拉布札什台七十里至

葉爾羌底台東北七十里至愛吉特虎台九十里至賴

里克台七十里至邁那特台一百里至阿朗格爾台

六十里至阿克薩克瑪拉勒台六十里至皮產里克

台七十里至海南木橋台八十里至巴爾楚克台八

十里至庫庫車勒台一百四十里至恆阿喇克台八

十里至烏圖斯克滿台六十里至伊勒都台八十里

至都奇特台八十里東至洋阿里克台一百七十里
至渾巴什台七十里至

阿克蘇底台八十里至札木台八十里至哈拉玉爾滾
台一百四十里至察爾齊克台八十里至鄂玉斯塘
台六十里至

拜城五十里至賽里木台八十里至河色勒台一百六
十里至

庫車底台六十里至托和奈台一百四十里至阿爾巴
特台一百里至布古爾台一百里至洋薩爾台六十

西陲要畧卷一

九 粵雅堂叢書

里至策達雅爾台一百六十里至車爾楚台一百里
至喀喇布拉克台七十里至庫爾勒台六十里至哈
爾哈阿滿台一百里至

喀喇沙爾開都河底台九十里至特伯爾古台八十里
至烏沙克塔爾台一百五十里至喀喇河色爾台九
十里至庫木什阿哈瑪台一百三十里至阿哈爾布
拉克台八十里至蘇巴什台九十里至托克遜台七
十里至布幹台九十里至土魯番

以上五十站共
四千四百餘里

伊犁起至阿克蘇十四軍台

巴圖蒙克台 海努克台 索果勒台 博爾台

霍諾海台 特克斯台 沙圖阿滿台 噶克察哈

爾海台 他木哈他什台 胡素圖托海台 圖巴

拉特台 亮噶爾台 阿爾巴特台 札木台 阿

克蘇 以上一千餘里

阿克蘇起至烏什三軍台

察哈喇克台 阿察塔克台 烏什底台 以上二百里

葉爾羌起至和闐六軍台

波斯喀木台 洛伙克梁噶爾台 啞嗎台 滾得

西陲要畧卷一

三 粵雅堂叢書

里克台 披雅勒滿台 哈喇哈什台 和闐 以上七百

里餘

精河至哈密營塘

精河底塘 托多克塘 古爾圖塘 墩木達塘

布爾噶濟塘 庫爾喀喇烏蘇塘 奎屯塘 安濟

海塘 烏蘭烏蘇塘 瑪納斯塘 土古里克塘

呼圖壁塘 昌吉塘 迪化底塘 柴窩舖塘 噶

遜底塘 烏魯木齊 以上一千二百八十里

迪化底塘 黑溝塘 阜康塘 大泉塘 清水塘

三台塘 濟木薩塘 古城塘 奇台塘 木壘塘 阿克他斯塘 烏浪烏素塘 色必塘 噶順塘 烏兔水塘 肋巴泉塘 蘇吉塘 巴里坤底塘 以上一千四百餘里

奎素塘 松樹塘 羊圈溝塘 南山口塘 黑帳房塘 哈密底塘 以上三百五十里

黃蘆岡塘 長流水塘 格子煙墩塘 苦水塘 沙泉子塘 星星碛塘 以上五百一十里

西陲要畧卷一

三 國雅堂叢書

前史官壽陽祁韻士鶴皋輯

南北兩路城堡

伊犁向無城準噶爾時隨畜逐水草移徙本行國乾隆二十年平準噶爾我軍之防守於是者結營而居二十九年始於伊犁河北岸度地創築

賜名惠遠城垣高一丈四尺周九里有奇門四東景仁西說澤南宣闔北來安中建鼓樓鎮之五十九年就城東偏展築一百二十丈滿營兵駐城中察哈爾索倫錫

西陲要畧卷二

一 函 雅 堂 叢 書

伯額魯特四營分列四境爲新疆第一重鎮所屬城八曰惠甯城曰綏定城曰廣仁城曰瞻德城曰拱宸城曰熙春城曰塔爾奇城曰甯遠回城

惠甯城在惠遠城東北七十里地名巴彥岱乾隆三十年築名惠甯城駐滿營兵垣高一丈四尺周六里有奇門四東昌彙西北豐南遵軌北承樞嘉慶十年以城內東偏有水泉湧出移向西面展築如舊

綏定城在惠遠城北三十里地名烏哈爾里克乾隆二

十七年築名綏定城垣高一丈七尺周四里有奇門

三東仁熙西義集南利渠

廣仁城在惠遠城西北八十里地名烏克爾博羅素克俗呼大蘆草溝乾隆四十二年築名廣仁城垣高一丈三尺周三里有奇門三東朗輝西迎灑南溥惠瞻德城在惠遠城西北七十里地名察罕烏蘇俗呼清水河乾隆四十年築名瞻德城垣高一丈三尺周三里有奇門三東升瀛西履平南延景

拱宸城在惠遠城西北一百二十里地名霍爾果斯乾隆四十二年築名拱宸城垣高一丈七尺周三里有奇門三東寅暉西遵樂南綏定

西陲要畧卷二

二 粵雅堂叢書

熙春城在惠遠城東八十里亦巴彥岱地俗呼城盤子乾隆四十二年築名熙春城垣高一丈周二里有奇門三東覲恩西凝爽南歸極

塔爾奇城在惠遠城西北三十里乾隆二十六年築無城名卽以山名名之垣高一丈周一里有奇門皆無名以上六城皆駐綠營兵

甯遠回城在惠遠城東南九十里地名固爾札乾隆二十七年築名甯遠城回眾居之垣高一丈六尺周四

里有奇門四東景旭西環瀛南嘉惠北歸極

塔爾巴哈台城初在雅爾地方乾隆二十九年所築三十一年因其地冬雪大官兵難以駐守移東二百里於楚呼楚地方新築一城爲阿睦爾撒納舊游牧處

賜名綏靖易其地名爲塔爾巴哈台垣高一丈八尺厚一丈二尺門三東翔和西布悅南遂亨四十一年重修庫爾喀喇烏蘇城乾隆四十六年所築名慶綏城門四東撫仁西向義南溥澤北奉恩城垣高一丈六尺底厚二丈頂厚一丈二尺周三里有奇居烏魯木齊西境

西陲要畧卷二

三 粵雅堂叢書

烏魯木齊向無城乾隆三十一年創築於紅山之側名迪化城門四東惠孚西慶豐南肇阜北憬諱其南郭接連舊城一則初定此地時協鎮駐劄所築也三十七年去迪化城西八里築一城

賜名鞏甯駐滿營官兵迪化城則以綠營兵駐之鞏甯城垣高二丈二尺五寸厚一丈七尺周九里有奇門四東承曦西宜穡南同軌北樞正以滿蒙漢三體及回子字書於門端四十八年重修所屬各城自庫爾喀喇烏蘇古城巴里坤土魯番四大城而外其城堡之居東路

者凡十三曰惠來堡曰屢豐堡曰輯懷堡曰阜康城曰
惠徠堡曰育昌堡曰時和堡曰愷安城曰保惠城曰古
城漢城曰靖甯城曰木壘城曰鎮西城居西路者凡十
四曰宣仁堡曰懷義堡曰頭屯所曰甯邊城曰寶昌堡
曰樂全堡曰蘆草溝所曰景化城曰康吉城曰綏甯城
曰綏來堡曰遂成堡曰豐潤堡曰安阜城居南路者一
曰嘉德城

惠來堡在鞏甯城東五里爲六道灣中營屯堡

屢豐堡在鞏甯城東二十里爲七道灣中營屯堡

西陲要畧卷二

四 國亨雅堂叢書

輯懷堡在鞏甯城東四十里爲古牧地中營屯堡

阜康城在鞏甯城東一百二十里爲阜康縣治

惠徠堡在鞏甯城東三百里爲吉木薩三台

育昌堡在鞏甯城東三百四十里地名雙岔河

時和堡在鞏甯城東三百六十里地名柳樹溝

愷安城在鞏甯城東三百七十里地名吉木薩爲縣丞

治

保惠城與愷安城毗連

古城有滿漢二城此爲漢城無城名以地名之

靖甯城在鞏甯城東五百五十里爲奇台縣治

木壘城在鞏甯城東六百四十里無城名以地名之

鎮西城爲巴里坤漢城在鞏甯城東一千二百八十里

鎮西府及宜禾縣治此

宣仁堡在鞏甯城西爲中營頭工屯堡

懷義堡在鞏甯城西爲中營二工屯堡

頭屯所堡在鞏甯城西八十里

甯邊城在鞏甯城西九十里爲昌吉縣治

寶昌堡在鞏甯城西爲左營屯工

西陲要畧卷二

樂全堡在鞏甯城西

蘆草溝所堡在鞏甯城西一百二十里

景化城在鞏甯城西一百八十里地名呼圖壁

康吉城在鞏甯城西三百三十里地名瑪納斯爲綏來

縣治

綏甯城與康吉城毗連南北相對中設靖遠關名陽巴

爾噶遜或以爲卽陽關誤也

綏來堡在鞏甯城西

遂成堡在鞏甯城西

豐潤堡在鞏甯城西

安阜城在鞏甯城西九百三十里地名精河爲烏魯木

齊極西之境接伊犁界

嘉德城在鞏甯城南二百三十里地名喀喇巴爾噶遜
爲通土魯番路

土魯番城地居南路載後條此不著

古城滿城乾隆四十年築名孚遠城與漢城毗連門皆
無名駐滿營兵居烏魯木齊東境

巴里坤滿城乾隆三十八年築名會甯城與漢城毗連

西陲要畧卷二

六 國雅堂叢書

門四東宣澤西導豐南光被北威暢城垣高一丈八尺
底厚一丈八尺頂厚一丈二尺周六里有奇駐滿營兵
居烏魯木齊東境

喀什噶爾舊有城爲回首瑪哈墨特所屬之地後其子
大和卓木布喇呢敦據城叛乾隆二十四年討平之官
兵就其城駐守城周三里餘東門二西南門各一今名
舊城回眾居之二十七年於舊城西北二里許臨河夾
塏之地創築一城其基卽布喇呢敦故園也城垣高一
丈四尺底厚六尺五寸頂厚四尺五寸周二里有奇門

四東承恩西撫羌南彰化北關遠

賜名徠甯城所屬回莊較大者曰牌斯巴特曰塔什伯里克曰阿拉圖什曰別什克里木曰玉什納爾圖什曰阿爾古

英吉沙爾舊有城周二里餘乾隆二十四年後駐官兵於城中隔一牆牆之南回民居之其北官兵居之四十年展築城垣納郭外回民於內城垣高一丈七尺底寬八尺頂寬三尺南北門二皆無名城中西隔牆東西長十五丈一尺高一丈五尺底厚二尺頂厚一尺中有柵門

通之

西陲要畧卷二

七

粵雅堂叢書

葉爾羌舊有城爲回酋瑪哈墨特世居之地後其子小和卓木霍集占據城叛乾隆二十四年討平之以官兵駐守其城垣高三丈三尺周十一里有奇東西北各有門一南門二皆無名回城內東南隅有古塔一周圍約十二三丈外無簷楹窗檻中有磴道至頂三十餘丈塔中無木石以磚爲之望之極高若天柱然回人名曰圖特爲喀喇和台國人所建云所屬回莊較大者曰哈拉噶里克曰托古斯堪曰桑珠曰英格奇盤曰塔克曰庫

庫雅爾巴什里克曰和什拉布曰巴里楚克曰賽瀾羅和闐舊稱六城霍集占作亂時攻陷三城乾隆二十四年戡定其地官兵駐守六城以伊里齊爲首卽今和闐城也垣高一丈九尺周三里有奇門四皆無名其城內東南隅隔開一門官兵居之餘三面皆回人居之所屬五城最著然惟哈喇哈什及克里雅有城其玉隴哈什車喀塔克實無城僅一村耳

哈喇哈什在和闐城西北七十里乾隆二十四年大軍擊回賊於博羅齊在此境內

西陲要畧卷二

八 粵雅堂叢書

玉隴哈什在和闐城東十里按元史卓齊等分攻鄂托落爾玉隴哈什等城卽此地其時又名玉隴城

車喀在玉隴哈什東南二百二十里

克里雅在車喀一百九十里

塔克在克里雅南一百二十里由和闐至塔克四百里又至所屬之伊瑪木拉四百七十里回疆通志言準噶爾策妄阿拉布坦時遣大策凌敦多卜擾藏道由

此人

烏什依山爲城爲回部長霍集斯世居之地乾隆二十

四年討平回部霍集斯入居京城授郡王爵乃以別城伯克轄之三十年逆回賴黑木圖拉據城叛將軍明瑞參贊大臣永貴討定之明年重築新城垣高一丈七尺底厚一丈二尺頂厚七尺周四百六十八丈有奇

賜名永甯城門四皆無名其地回戶本萬餘以賴黑木圖拉之亂從逆者多聚而殲焉乃於阿克蘇葉爾羌和闐喀什噶爾徙回民五百戶於此屯種

阿克蘇舊有城乾隆二十四年戡定後以官兵駐守城垣高一丈二尺底厚八尺頂厚五尺周一百四十丈東

西陲要畧卷二

九
粵雅堂叢書

西南門三皆無名所屬回莊曰拜城曰賽里木城最著拜城在阿克蘇城東四百五十里回民四五百戶居之賽里木城在拜城東八十里回眾居之地據雪山之麓羣山環繞氣候稍寒

庫車舊有城以柳條夾沙土築成依山爲基最固周四里有奇門皆無名乾隆二十四年戡定後以官兵駐守五十八年重修城外有頽城一段長五里許堅實高厚雉堞猶存土人言卽漢時屯兵之所也所屬回莊曰沙

雅爾最著

沙雅爾在庫車城西名爲城實回莊也地下濕暑熱多蚊蟲西南馬行八日可達和闐東南馬行二十八日可抵西藏然皆沮洳草澤人馬難行準噶爾策妄阿喇布坦時嘗欲由此侵西藏遣沙雅爾回酋爲嚮導全軍盡沒乃改道由和闐入藏云

喀喇沙爾舊有城高一丈三尺周二百五十四丈東西門二東德綏西撫徠乾隆二十二年大軍定伊犁以其地要害設官兵駐守四十三年五十二年五十九年重修所屬回莊曰庫爾勒曰布古爾最著

西陲要畧卷二

十 函 雅堂叢書

庫爾勒城在喀喇沙爾城西南一百五十里回民七百餘戶大半皆情蘭回子地方遼闊開都河環繞其境有魚蝦蒲葦之利

布古爾城在庫爾勒城西四百五十里初有回人二千戶後經霍集占之亂布古爾適當其衝大軍進勦逃亡畧盡僅存百餘戶歸入庫爾勒二十四年乃徙情蘭回子五百戶實其地情蘭一作多倫回子中別一種爲霍集占牧馬養雕者也城東有土橋卽古所謂葦橋之險城南皆戈壁馬行四五日山場豐美多野

牲再南則沮洳近蒲昌海矣

土魯番舊有城爲回部長額敏和卓世居之地以被準噶爾侵掠避居魯克沁乞內附雍正九年遣兵守護之尋攜其眾遷於瓜州準噶爾回部既平還居故土封郡王爵城外交河二道源出金嶺環溉田畝回人稱其爲安樂城云城周三里有奇

賜名廣安城垣高一丈六尺底厚二丈頂厚一丈二尺門四東朗曦西利成南殷阜北宣義城居烏魯木齊南境駐滿營兵歸烏魯木齊都統節制所屬回莊曰喀喇

西陲要畧卷二

十一 粵方雅堂叢書

和卓曰魯克沁曰闢展曰托克遜最著

喀喇和卓在廣安城東五十里卽明時火州故治火州爲漢車師前國地漢班超嘗屯兵於此地卑下極熱山色如火雖有城名實無城惟回民數百家居之

魯克沁在廣安城東一百餘里

闢展在廣安城東二百二十里明史西域傳云柳城縣一名魯城卽後漢柳中地西域長史所居唐於此置柳中縣東去哈密千里以道里攷之疑卽今闢展也

回民三四百戶居之城周五里有奇乾隆二十四年

平定回部辦事大臣駐守於此後移駐土魯番關展設巡檢治之其東九十里爲齊克騰木又東至下梧桐窩三百餘里皆沙磧無水草有所謂三間房十三間房之地大風起輒不可行土人謂爲風戈壁關展之西有連木沁水極清澈亦回莊也

托克遜在廣安城西疑卽漢交河縣故地

哈密舊有城爲回部長額貝都拉世居之地苦準噶爾侵虐乞內附子郭帕伯克徙居肅州再傳至額敏歸故土後封貝子魯雍正五年於舊城之外建築新城遣兵

西陲要畧卷二

三
粵雅堂叢書

守護之垣高二丈四尺底厚一丈二尺頂厚六尺六寸周一里有奇北門外圍牆一道長一百七十六丈爲貯糧之所東西北門三皆無名南北兩路轉運糧餉皆取道於此城西南三里許有回城一卽回爵所居也所屬回莊較大者曰素們哈爾輝曰阿思塔納曰托克齊曰拉卜楚克曰喀喇都伯

南北兩路職官 兵額附

伊犁自平定後副都統阿桂於乾隆二十五年由南路帶兵至伊犁與屯駐守為辦事大臣二十七年設立將軍部頒銀印一顆駐惠遠城總統新疆南北兩路事務惠甯城滿營察哈爾營索倫營錫伯營額魯特營領隊大臣各一員

印房掌關防司員一員幫辦一員筆帖式二員委筆帖式二員專管一切日行事件及吏兵各部應行咨覆稿件

西陲要畧卷二

三 國朝雅堂叢書

摺奏處歸印房兼管並派協領等官同辦

功過處亦印房兼管登記八旗功過檔案

糧餉處掌關防司員一員幫辦三員筆帖式一員委筆

帖式一員專管錢糧支發文案及年終造冊報銷並關

涉戶工二部稿件

駝馬處掌關防司員一員幫辦一員筆帖式一員委筆

帖式一員專管各部落牧放孳生牛馬冊籍及哈薩克

貿易牲畜之事

營務處無定員派協領佐領專管卡倫嚴禁私行出入

及滿營閱操挑缺之事有委筆帖式二員

滿營檔房派協領佐領等官專管八旗官兵之事有委筆帖式二員

糧員四員分駐惠甯城固爾札綏定城塔爾奇城四處專管各倉收放糧石之事

管糧同知一員駐惠遠城專管倉庫錢糧綢緞布疋各項收放之事

理事同知一員駐惠遠城專管惠遠甯兩城滿營各部落回子等一切命盜脫逃各案及旗民交涉事件

西陲要畧卷二

內
粵雅堂叢書

撫民同知一員駐惠遠城專管九城牲畜煤窯稅賦並房租地租錢局厰工及一切商民綠營命盜詞訟案件巡檢四員分駐惠遠及惠甯綏定霍爾果斯四城

卡倫侍衛十五員在城營務處酌留一二員餘俱分撥卡倫帶兵駐守

乾隆二十九年三十一年止調熱河涼州莊浪滿洲蒙古官兵攜眷移駐伊犁惠遠城協領八員佐領十四員防禦四十員驍騎校四十員世襲恩騎尉二員領催一百六十名前鋒三百二十名馬甲二千八百名炮手

四十名步甲六百名匠役八十名養育兵二百四十名
五十五年增設鳥鎗步甲四百名

乾隆三十五年起三十六年止調西安滿洲蒙古官兵
攜眷移駐伊犁惠甯城卽於三十六年設領隊大臣轄
之協領四員佐領十六員防禦十六員驍騎校十六員
世襲恩騎尉三員委筆帖式二員領催八十名前鋒一
百六十名馬甲一千四百五十六名炮手十六名匠役
四十八名步甲三百二十名養育兵六十四名

乾隆二十八年自張家口外調察哈爾八旗官兵一千

西陲要畧卷二

五 函芳雅堂叢書

八百戶移駐伊犁在博羅塔拉哈布塔海賽里木諾爾
一帶地方游牧種地自食隨時操演騎射卽於是年設
領隊大臣轄之三十二年分爲八旗左右翼每翼九百
員名嗣因該營閑散幼丁甚少不敷挑補甲缺於乾隆
三十八年四十四年五十五年由額魯特營閑散內三
次撥入察哈爾營四百二十戶左翼總管一員副總管
一員佐領八員驍騎校八員委筆帖式一員領催三十
二名兵八百六十八名右翼總管一員副總管一員佐
領八員驍騎校八員委筆帖式一員領催三十二名兵

八百六十八名兩翼領催兵丁內有額設挑補卡倫六品空藍翎各三員

乾隆二十九年調黑龍江索倫達虎爾官兵一千戶移駐伊犁索倫在奎屯薩瑪爾地方游牧種地自食達虎爾在霍爾果斯科河一帶地方建蓋房屋居住種地自食隨時操演騎射是年設領隊大臣轄之總管一員副總管一員佐領八員驍騎校八員委筆帖式二員前鋒校四名前鋒三十六名領催三十二名兵九百六十八名養育兵二百名領催前鋒內有額設挑補卡倫空藍

西陲要畧卷二

六 粵雅堂叢書

翎四員

乾隆三十年自盛京調錫伯兵丁一千戶移駐伊犁在河以南一帶地方游牧種地自食秋收後操演騎射是年設領隊大臣轄之總管一員副總管一員佐領八員驍騎校八員委筆帖式二員領催三十二名兵九百六十八名領催兵丁內有額設挑補卡倫空藍翎四員乾隆二十九年自熱河調達什達瓦額魯特官兵五百員名攜眷移駐伊犁編爲左翼除設總管佐領驍騎校等官原設領催兵丁五百名又自二十五年以後陸續

招撫額魯特及由哈薩克布魯特陸續投出額魯特編
爲右翼除設總管佐領驍騎校等官原設領催兵丁七
百名三十年設領隊大臣轄之三十二年將左翼分爲
上三旗右翼分爲下五旗各設總管一員副總管一員
每旗佐領二員驍騎校二員管束兵丁上三旗在特斯
一帶地方游牧下五旗在霍諾海空吉斯一帶地方游
牧三十七年將投誠土爾扈特內安插伊犁之沙畢納
爾人等共八百六十七戶歸入下五旗額魯特增設副
總管佐領驍騎校管束奉

西陲要畧卷二

七

粵雅堂叢書

旨伊犁額魯特生齒日繁又有隨土爾扈特投來之人
著加 恩賞給錢糧以資養贍欽此旋經奏定上三旗
給五錢錢糧一百五十六分下五旗給五錢錢糧二百
三十八分沙畢納爾給五錢錢糧二百六十七分六十
年奉

旨上三旗添給錢糧四百六十八分下五旗添給錢糧
七百六十分沙畢納爾添給錢糧三百零四分額魯特
上三旗總管一員副總管一員佐領六員驍騎校六員
空藍翎三員食二兩領催二十四名食一兩五錢披甲

三名食一兩披甲四百七十三名食五錢披甲六百六十四名額魯特下五旗總管一員副總管一員佐領十員驍騎校十員食二兩領催四十名食一兩披甲五百名食五錢披甲一千零七十七名沙畢納爾營副總管一員佐領四員驍騎校四員食二兩領催十六名食一兩委領催十六名食五錢披甲五百七十一名

乾隆二十五年起三十五日止陸續調陝甘綠營兵三千名駐防伊犁開墾屯田四十三年改爲攜眷分駐各城原額三千名內以一千八百名種地一千二百名當

西陲要畧卷二

六
粵雅堂叢書

差隨時操演設屯鎮總兵一員駐紮定城專理所屬綠營屯田及兵丁操防之事中營駐紮定城遊擊一員守備一員千總二員把總四員經制外委六員額外外委六員馬步兵各三百名左營駐廣仁城遊擊一員守備一員千總二員把總四員經制外委六員額外外委六員馬步兵各三百名右營駐瞻德城都司一員守備一員千總二員把總四員經制外委六員額外外委六員馬步兵各三百名霍爾果斯營駐拱宸城參將一員守備一員千總一員把總四員經制外委六員額外外委

六員馬步兵各三百五十名巴彥代營駐熙春城都司一員千總一員把總二員經制外委三員額外外委三員馬步兵各一百五十名塔爾奇營駐塔爾奇城守備一員千總一員把總一員經制外委二員額外外委二員馬步兵各一百名

乾隆五十五年設城守營稽查盜賊派撥守備一員把總一員外委二員兵一百名駐惠遠城北關汛地嘉慶十年於中左右等六營添撥把總一員經制外委額外委各一員兵一百名一同駐守

西陲要畧卷二

九
粵雅堂叢書

右伊犁大小職官共四百六十八員兵共一萬七千二百零二名

塔爾巴哈台於乾隆二十九年設立參贊大臣部頒銀印一顆駐綏靖城總理駐防屯田官兵事務初由烏魯木齊派撥京營及黑龍江索倫等兵九百名駐守三十年改由伊犁駐防兵內派撥滿營並錫伯等四部落兵一千三百名其前項兵全行撤回三十七年因分撥土爾扈特於本處安插增添換防兵二百名共一千五百名四十二年裁三百名五十四年因索倫兵不敷派

撥裁索倫兵五十名添錫伯兵三十名滿營兵二十名仍足一千二百名之數按期更換

協辦領隊大臣一員專管察哈爾索倫錫伯額魯特四部落及南北卡倫

管理游牧領隊大臣一員乾隆四十二年因烏魯木齊額魯特一千戶移駐本處所屬齋爾地方奏明增設

印房司員一員糧餉處司員一員駝馬處司員一員委筆帖式十員

管糧理事撫民廳一員由甘省調派以同知通判兼充
西陲要畧卷二
三
國雅堂叢書

卡倫侍衛十二員內管理軍台一員管理營務處一員伊犁換防滿營協領委營總一員佐領委副營營總一員

員佐領委參領一員防禦委參領一員驍騎校七員兵七百二十名伊犁換防錫伯營佐領委營總一員

伯察哈爾補驍騎校委參領一員兵百三十名伊犁換防索倫營驍騎校委參領一員兵五十名

內委驍騎校一員伊犁換防額魯特營佐領委營總一員兵五十名

內委驍騎校一員總理屯務一員以副

將參將兼充副理屯務兼管城守營一員以遊擊都司
守備兼充千把總共九員經制外委八員兵八百名

綠營官兵俱由
甘省派撥更換

右塔爾巴哈台大小職官共六十五員兵共二千名

烏魯木齊初設迪化甯遠二廳並派官兵駐守嗣於乾
隆三十八年建置府州縣設立都統部頒銀印一顆駐
鞏甯城總理烏魯木齊庫爾喀喇烏蘇古城巴里坤土
魯番各城事務

鞏甯城滿營領隊大臣一員協領六員佐領二十四員

西陲要畧卷二

三 粵雅堂叢書

防禦二十四員驍騎校二十四員筆帖式二員領催兵
丁等三千七百七十六名

庫爾喀喇烏蘇辦事領隊大臣一員駐慶綏城專管游
牧濟爾噶朗之土爾扈特及庫屯精河二處屯田之事
所屬筆帖式一員

古城滿營領隊大臣一員駐孚遠城協領二員佐領八
員防禦八員驍騎校八員筆帖式一員領催兵丁等一
千零七十九名

巴里坤滿營領隊大臣駐會甯城協領二員佐領八員

防禦八員驍騎校八員筆帖式一員領催兵丁等一千零七十六名

土魯番滿營領隊大臣一員駐廣安城協領二員佐領四員防禦四員驍騎校四員筆帖式一員領催兵丁等五百六十四名 按土魯番地居南路以職官爲烏魯木齊都統所轄故附載於此

印房司員一員糧餉處司員一員駝馬處司員一員筆帖式三員委筆帖式八員營務處協領一員於滿營佐領防禦內挑派委筆帖式一員

西陲要畧卷二

三 粵雅堂叢書

鎮迪糧務兵備道一員駐鞏甯城轄府一州一縣五廳二糧員三

鎮西府知府一員駐鎮西城轄縣二宜禾奇台教授一員學額三名經歷一員

宜禾縣知縣一員駐鎮西城訓導一員學額四名典史一員

奇台縣知縣一員駐靖甯城訓導一員學額四名典史一員

古城巡檢一員

迪化直隸州知州一員駐鞏甯城轄縣三昌吉綏來阜康學正一員學額四名吏目一員巡檢一員駐迪化城頭屯

所千總一員

昌吉縣知縣一員駐甯邊城訓導一員學額四名典史一員

呼圖壁巡檢一員蘆草溝所千總一員

綏來縣知縣一員駐康吉城訓導一員學額四名典史一員

塔西河所千總一員

阜康縣知縣一員駐阜康城訓導一員學額四名典史一員

吉木薩縣丞一員

土魯番同知一員駐廣安城巡檢一員關展巡檢一員

理事通判一員駐鞏甯城糧員三員分駐庫爾喀喇烏

西陲要畧卷二

三 粵雅堂叢書

蘇精河喀喇巴爾噶遜三城

烏魯木齊設立提督部頒銀印一顆駐迪化城總理烏

魯木齊提標四營並瑪納斯吉木薩庫爾喀喇烏蘇精

河鞏甯城守喀喇巴爾噶遜營及巴里坤綠營事務

中軍參將一員守備一員千總二員把總四員經制外

委五員馬步兵九百四十四名

迪化城守營都司一員守備一員千總二員把總四員

經制外委六員馬步兵九百九十四名左營遊擊一員

駐昌吉縣城守備一員千總二員把總四員經制外委

六員馬步兵九百四十三名右營都司一員駐呼圖壁城守備一員千總二員把總四員經制外委六員馬步兵九百四十三名鞏甯城守營都司一員千總一員把總一員經制外委二員馬步兵三百四名

瑪納斯協副將一員駐綏來縣城左營都司一員駐綏來縣城守備一員千總二員把總四員經制外委四員馬步兵八百名右營都司一員駐綏甯城守備一員千總二員把總三員經制外委六員馬步兵七百九十九名

西陲要畧卷二

西
粵雅堂叢書

庫爾喀喇烏蘇遊擊一員駐慶綏城守備一員千總二員把總二員經制外委四員馬步兵六百五名

精河營都司一員駐安阜城千總一員把總二員經制外委二員馬步兵四百四名

吉木薩營叅將一員駐保惠城守備一員千總二員把總四員經制外委八員馬步兵九百九名

喀喇巴爾噶遜營千總一員駐嘉德城把總二員經制外委二員馬步兵三百二名

巴里坤鎮總兵一員駐鎮西城專管鎮標四營及哈密

古城木壘等營操防屯田之事

中營遊擊一員守備一員千總二員把總四員經制外委六員馬步兵六百四十七名左營遊擊一員守備一員千總二員把總四員經制外委六員馬步兵六百四十四名右營遊擊一員守備一員千總二員把總四員經制外委六員馬步兵六百六十四名城守營都司一員千總一員把總二員經制外委二員馬步兵一百八十二名

古城營遊擊一員駐古城漢城千總一員把總一員經制外委四員馬步兵四百一名

西陲要畧卷二

五 粵雅堂叢書

木壘營守備一員駐木壘城把總二員經制外委二員馬步兵三百名

哈密協副將一員駐哈密城都司一員塔爾納沁屯田都司一員千總二員把總六員經制外委六員屯田兵八百二十四名

右烏魯木齊大小職官共四百零八員兵共一萬七千七百零四名古城巴里坤庫爾喀喇烏蘇土魯番及哈密綠營官兵俱在其內

喀什噶爾於乾隆二十五年設立參贊大臣部頒銀印
一顆駐徠甯城三十年移駐烏什五十二年仍由烏什
移回喀什噶爾總理回疆八大城事務

協辦大臣一員專理本處及英吉沙爾事務

印房章京一員回務處章京一員經牧處章京一員糧

餉處章京一員筆帖式四員委筆帖式九員卡倫侍衛

十八員初設十五員嗣由烏什裁汰三員移派於此滿營協領一員佐領一

員防禦二員驍騎校三員貼寫兵六名兵四百名此項

官兵由烏魯木齊輪撥更換綠營副將一員遊擊一員千總三員把

西陲要畧卷二

美 粵雅堂叢書

總三員經制外委六員聽差都司守備各一員兵六百

一十名此項換防綠營官兵由甘省派撥更換

英吉沙爾領隊大臣一員兼管卡倫

筆帖式一員委筆帖式四員滿營防禦一員兵八十名

此項官兵由喀什噶爾官兵數內轉撥更換綠營遊擊一員千總一員把

總一員經制外委二員兵二百一十七名此項官兵由甘省派撥更換

換

葉爾羌辦事大臣一員協辦大臣一員

印房章京一員糧餉局章京一員筆帖式三員委筆帖

式八員卡倫侍衛十三員

內駐卡倫七員在城聽差五員輪流更替

滿營佐

領一員防禦一員驍騎校二員貼寫兵十一名兵二百

此項官兵由巴里坤土魯番古城烏魯木齊輪撥更換

綠營副將一員遊擊一

員都司二員千總三員把總六員經制外委九員兵六

百七十三名此項官兵由內地綠營派撥更換

和闐領隊大臣二員聽葉爾羌辦事大臣節制

委章京一員筆帖式一員委筆帖式二員軍台筆帖式

三員綠營都司一員千總一員把總二員經制外委二

員兵二百三十三名此項官兵由內地綠營派撥更換

西陲要畧卷二

三 粵雅堂叢書

烏什辦事大臣一員

印房章京一員筆帖式二員委筆帖式四員額外委筆

帖式五員從九未入流職銜六員糧餉局章京一員從

九未入流職銜三員卡倫侍衛六員滿營佐領一員驍

騎校二員貼寫兵十三名兵二百名

此項官兵由古城巴里坤烏魯木齊

輪撥更換城守營署都司一員守備一員千總一員把總三

員經制外委七員額外委二員兵六百七十名屯田

參將一員守備二員千總二員把總一員屯田兵二百

五十名

以上綠營官兵由內地派撥更換

阿克蘇辦事大臣一員

糧餉局章京一員筆帖式一員委筆帖式三員滿營佐

領一員防禦一員驍騎校一員兵六十名此項換防官兵由喀什噶

爾葉爾羌烏什官兵數內輪撥更換綠營遊擊一員千總二員把總二員

經制外委二員兵二百六十五名內種稻穀兵十八名

管理銅廠遊擊一員把總一員經制外委二員兵二百

九十八名管理錢局把總二員兵六十名以上綠營官兵由內地派

撥更換

庫車辦事大臣一員

西陲要畧卷二

天 粵雅堂叢書

印房章京一員糧務章京一員筆帖式二員委筆帖式

三員滿貼寫兵八名由烏魯木齊派撥更換綠營遊擊一員千總

一員把總二員經制外委三員兵三百名此項官兵由內地綠營派

撥更換

喀喇沙爾辦事大臣一員

印房章京一員糧餉章京一員管理夷回章京一員筆

帖式三員委筆帖式五員滿貼寫兵十一名由烏魯木齊派撥更

換城守營遊擊一員把總二員外委五員兵二百二十

一名管理屯田都司一員把總二員經制外委五員兵

一百七十二名管理沙克塔爾屯田千總一員經制外委一員兵一百三十名

以上綠營官兵由內地派撥更換

右喀什噶爾英吉沙爾葉爾羌和闐烏什阿克蘇庫車喀喇沙爾八城大小職官共二百五十九員兵共四千七百二十一名

土魯番領隊大臣所屬屯田遊擊一員守備一員千總四員把總三員經制外委七員兵七百名聽差都司一員守備一員千總四員經制外委八員兵三百三十名

此二項綠營官兵由內地派撥更換與各回城同

西陲要畧卷二

五 陶亨雅堂叢書

右土魯番綠營武職共三十二員兵共一千零三十名其自領隊大臣以下文職及滿營官兵俱隸烏魯木齊都統轄附見前條茲不複載

哈密辦事大臣一員協理大臣一員

印房章京一員筆帖式一員通判一員

初隸烏魯木齊轄乾隆四十九

年改屬陝甘總督專管地方案件庫貯經費銀兩倉存屯糧供

支廉俸兵糧及新疆各城往來官役並兵遣鹽菜口糧衣履運送餉鞘綢緞茶封紙劄農具年班伯克人等銀糧車輛腳價一切報銷之事

右哈密大小文職共五員其綠營武職十七員兵八百二十四名俱隸烏魯木齊提督轄附見前條茲不復載

西陲要畧卷二

三

粵雅堂叢書

西陲要畧卷之二

譚瑩玉生覆校

西陲要畧卷之三

前史官壽陽祁韻士鶴皋輯

伊犁駐兵書始

新疆滿洲綠營官兵分布南北兩路有駐防換防之分駐防者攜眷之兵永遠駐守惟伊犁及烏魯木齊古城巴里坤滿洲綠營皆然土魯番滿營兵亦如之北路之塔爾巴哈台滿兵則自伊犁調撥南路之喀什噶爾英吉沙爾葉爾羌烏什阿克蘇滿兵則自烏魯木齊古城巴里坤調撥其綠營兵則自內地調撥皆輪班更替非

西陲要畧卷三

一 國子雅堂叢書

常駐者也伊犁地極西徼又爲將軍帥庭故較之烏魯木齊駐兵尤多有滿洲蒙古八旗兵有綠營屯兵有錫伯索倫察哈爾厄魯特等兵環衛森嚴所以靖邊圉而資控馭最爲整肅溯其始駐之年惠遠城滿營始自乾隆二十九年至三十一年由熱河涼州莊浪移駐惠甯城滿營始自乾隆三十五年至三十六年由西安移駐錫伯營始自乾隆三十年由盛京移駐索倫達虎爾營始自乾隆二十九年由黑龍江移駐察哈爾營始自乾隆二十九年由張家口外移駐厄魯特有自乾隆二十

九年由熱河移駐者爲達什達瓦厄魯特達什達瓦者
準噶爾台吉小策零敦多卜之子爲其汗喇嘛達爾札
所殺屬衆投誠安插熱河事在準噶爾未滅之前有自
準噶爾既滅於乾隆二十五年以後陸續招撫並由哈
薩克布魯特投出者又有沙畢納爾人等於乾隆三十
六年隨土爾扈特歸順安插伊犁者此外綠營屯兵則
自乾隆二十五年以後三十五年以前由陝甘兩省陸
續移駐至四十三年始改爲攜眷此各營官兵先後駐
防之大畧也

西陲要畧卷三

伊犁興屯書始

三屯水利附

新疆各城屯田有兵屯有回屯有戶屯而無旗屯惟伊犁皆有之兵屯者綠營兵丁之屯回屯者回民之屯皆創自乾隆二十五年時初設兵駐守

高宗純皇帝以武定功成農政宜舉

特命參贊大臣阿桂專理屯田由阿克蘇率滿洲索倫驍騎五百名綠營兵百名回子三百名越穆蘇爾達巴罕至伊犁鎮守辦事搜捕瑪哈沁招撫潰散之厄魯特卽以綠營兵築城回子乘時興屯開渠灌溉是爲伊犁

西陲要畧卷三

三國雅堂叢書

屯田之始二十六年至三十四年陸續由內地增調屯田兵至二千五百名五年更替以五百名差操二千名屯種四十三年將軍伊勒圖

奏准改爲攜眷定額三千名以一千二百名差操一千八百名屯種分爲十八屯仍視倉儲之多寡隨時增減屯種此兵屯也回屯自阿克蘇原帶回子三百名於伊犁河南海努克之地分撥墾種次年調取伯克並由烏什葉爾羌和闐哈密土魯番等處陸續增調回子至三十三年共有六千三百八十三戶內除彥齊回子

彥齊者隨

伯克品級給與
服役之回子

三百二十三戶種地所收之麥爲大小

伯克及挖鐵回子六十戶養贍口糧外

奏定種地回子六千戶分爲九屯於固爾札建甯遠城
居之設阿奇木伯克管轄此回屯也戶屯者商民之屯
創自乾隆三十七年將軍舒赫德

奏明客民莊世福等四十八戶以無礙屯工之隙地請
撥令開墾卽於本年陞科永爲土著此戶屯也以上兵
回戶屯等項行之有年其來已久惟旗屯一項則前此
所未有至嘉慶七年而始興先是乾隆二十九年奉

西陲要畧卷三

四 粵雅堂叢書

高宗純皇帝諭旨伊犁田土肥潤如敷多人耕作莫若
令滿洲官兵分種旣得勤於力農而於養贍家口喂養
馬匹均屬有益著查明地畝俟滿兵到齊後酌量分給
耕種其時將軍明瑞覆奏以附近伊犁二百里以內可
種之地甚多俟官兵到齊再爲妥議辦理嗣於回屯之
東開築新渠因地勢較高未就而罷三十七年又設法
引水爲土爾扈特屯田不一二年亦罷迨乾隆五十年
五十五年疊奉

諭旨駐防官兵生齒日繁而國家經費有常伊犁地廣

田肥著分給官兵地畝佃人耕種用資生計歷任將軍皆以灌溉乏水未及籌辦嘉慶七年將軍松筠相度地形親爲履勘始得導水要領

奏明於惠遠城東伊犁河北岸濬大渠一道逶迤數十里引用河水灌田又於城西北草湖中覓得泉水設法疏濬築堤岸開支渠引溉旗屯地畝又於城東北就渠畔擇可種善地分授惠遠城官兵播種而以前此綠營裁撤之屯授惠甯城八旗官兵均令閒散餘丁代耕並雇人佃種永爲世業得

西陲要畧卷三

五 粵雅堂叢書

旨允行嗣又濬大渠一道與前所濬渠同名通惠渠並於其東阿奇烏蘇地方濬大渠引丕里沁山泉之水灌田數萬畝此又旗屯之所由始也

兵屯水利

綏定城屯鎮中營屯田引用烏哈爾里克山泉並小蘆草溝泉水上游分溉喇嘛寺溝遣屯民地綏定城屯鎮中營官屯地畝并城南戶民地畝水泉子一帶滿營五旗地畝及戶民園地旗下園地入惠遠城街渠

適用

中營官屯又兼引用左營四屯遺水及泉水灌溉餘水流歸磨河渠其渠上游本有山泉由塔爾奇城西北濬渠環繞城南折東而又南引泉水灌溉正紅鑲紅兩旗屯地并本城官兵新墾地畝是爲西地

屯鎮左營大蘆草溝屯田在綏定城西北該營官屯引用果子溝

卽塔爾奇溝

泉水龍口分水一支引溉屯地外

餘水流歸中營屯地又自龍口分水一支引溉左頭屯地畝餘水流歸塔爾奇屯

左營又引大東溝水灌溉屯地外餘水流歸塔爾奇屯

西陲要畧卷三

六
粵雅堂叢書

左營又引小西溝水灌溉屯地外餘水流歸塔爾奇屯屯鎮右營清水河屯田在左營之西該營官屯用大西溝泉水自龍口分水一渠另濬水泉一道引溉屯地外餘水流入頭道河又自龍口分水一渠引溉屯地外餘水流入二道河

右營又用察罕烏蘇溝泉水自龍口分水一渠引溉屯地外餘水流入三道河又自龍口分水一渠引溉屯地外餘水流入三道河

屯鎮塔爾奇營屯田在綏定之西微北該營官屯引用

左營各屯遺水井引泉水灌溉

塔爾奇營稻屯引用磨河渠水灌溉餘水退入磨河下游草湖自湖東岸引灌遺屯地畝亦謂之西地

屯鎮霍爾果斯營屯田引用霍爾果斯河水併滾壩溝泉水分溉兼用索倫屯地餘水灌溉所有餘水統歸三道河

屯鎮巴彥岱營屯田在惠甯城東南該營官屯引用關里沁溝泉水自龍口分水濬渠二道引溉該營地畝并惠甯城旗屯民人園地又於巴彥岱屯渠分開一

西陲要畧卷三

七
粵雅堂叢書

渠引溉惠遠城旗屯阿齊烏蘇地畝

阿里木圖溝泉水在關里沁之西分引灌溉商戶地畝并綏定城旗屯餘水由七里溝新渠引溉惠遠城之阿齊烏蘇旗屯餘水引入八旗稻屯大渠

旗屯水利

惠遠城東南紅柳灣一帶旗屯引用伊犁河通惠渠水灌溉分授鑲白旗五佐領耕種

惠遠城東北沿山一帶旗屯引用烏哈爾里克泉水灌溉分授正黃旗五佐領耕種

惠遠城東北水泉子一帶旗屯引用烏哈爾里克泉水
灌溉分授正藍旗五佐領耕種

惠遠城新北屯旗地引用烏哈爾里克泉水灌溉分授
鑲黃旗五佐領耕種

惠遠城東通惠渠迤北一帶旗屯引用烏哈爾里克泉
水灌溉分授正白旗五佐領耕種

惠遠城東分水間迤北一帶旗屯引用烏哈爾里克泉
水灌溉分授鑲藍旗五佐領耕種

惠遠城西北一棵樹西南一帶旗屯引用塔爾奇上游
西陲要畧卷三

草湖泉水灌溉分授正紅旗五佐領耕種

惠遠城西北一棵樹一帶旗屯引用塔爾奇上游草湖
泉水灌溉分授鑲紅旗五佐領耕種其內第三佐領
地畝兼用烏哈爾里克渠水

惠遠城東旗屯稻田引用通惠渠伊犁河水灌溉爲八
旗公田

此項收穫米石用抵羊隻口食每年分散官兵
兵搆節羊隻價銀酌給種地壯丁鹽菜月銀
其有盈餘分
贍旗下貧乏

惠遠城稻田迤東七里溝卽阿齊烏蘇旗屯引用阿里
木圖溝泉水并關里沁之新開渠水灌溉爲八旗公

田

惠遠城西北葦湖新開渠水引灌船工處遣屯地畝

惠甯城東旗屯引用關里沁新開渠水灌溉分授正黃

正紅兩旗四佐領耕種

惠甯城東旗屯引用關里沁新開渠水灌溉分授鑲黃

正白兩旗四佐領耕種

惠甯城東旗屯引用關里沁新開渠水灌溉分授鑲紅

鑲藍兩旗四佐領耕種

惠甯城北旗屯引用磨霍圖泉水灌溉分授鑲白正藍

西陲要畧卷三

九 粵雅堂叢書

兩旗四佐領耕種

惠甯城西北旗屯引用阿里木圖溝泉水灌溉為八旗

公田

附 錫伯營八旗八佐領分為八屯鑲黃正白二旗駐

豁吉格爾正紅旗駐巴圖蒙克引用泉水灌溉鑲白

旗駐綽豁囉正黃旗移駐塔什布拉克鑲紅旗移駐

厄爾格穆托羅海正藍旗移駐綽豁囉之東鑲藍旗

移駐綽豁囉之西俱引用河水灌溉

索倫營八旗八佐領分左右翼左翼屯田引阿里木

圖河水灌溉右翼屯田引圖爾根河水灌溉

察哈爾營八旗分左右翼屯田皆依博羅塔拉河岸河北之田多引山泉河南之田引用河水灌溉厄魯特營上三旗六佐領屯田四處曰敦達察罕烏蘇曰懷圖察罕烏蘇曰特爾莫圖曰塔木哈各引用其地之水灌溉下五旗十四佐領屯田十六處曰昌曼曰哈什曰春稽布拉克曰蘇布台曰渾多萊曰滾佐特哈曰庫爾庫壘曰呢勒哈曰大濟爾噶朗曰算珠圖曰特勒克曰明布拉克曰特古斯塔柳曰沙拉博果沁曰巴哈拉克曰弩楚袞各引用其地之水灌溉

回屯水利

海努克種地回子六百戶引用山泉灌溉

哈什種地回子五百戶引用河水

博羅布爾噶素種地回子一千一百戶引用河水

吉爾噶朗種地回子九百戶引用山泉

塔舒斯塘種地回子四百戶引用山泉

鄂羅斯塘種地回子六百戶引用山泉

巴爾圖海種地回子六百戶引用山泉

霍諾海種地回子八百戶引用山泉

達爾達木圖種地回子五百戶引用山泉

乾隆五十四年奏明撥

給此地

呢勒哈回戶加種地畝引用山泉

烏里雅素圖回戶加種地畝引用山泉

烏蘭庫圖爾回戶加種地畝引用哈什河水

此地即銅鉛廠田畝

改歸回子耕種每年交糧二千石

春稽回戶加種地畝引用泉水

以上四處屯地均係嘉慶九年奏明撥給

西陲要畧卷三

七 粵雅堂叢書



Vertical text columns on the left side of the page, including faint characters and bleed-through from the reverse side.

訓練

惠遠城滿營官兵四千三百七十員名鳥鎗步甲四百名內除換防塔爾巴哈台及出卡倫各項差使外其餘官兵定例每月逢四七十日演合隊行操二八日演過堂準頭馬鎗一五九日演步箭三六日演馬箭惠甯城官兵操演亦然

嘉慶九年將軍松筠

奏定行操式

是日詰旦各旗

官兵齊集教場演武廳前兵分八隊令按八旗分中左右三軍以鑲黃旗官兵爲中軍站立中間以正白旗官

西陲要畧卷三

三

國子雅堂叢書

兵爲左軍站於左翼以正紅旗官兵爲右軍站於右翼以鑲白旗官兵爲前隊站於中軍之前以鑲紅旗官兵爲後隊站於中軍之後以正黃旗官兵爲殿後站於後隊之後以正藍鑲藍兩旗官兵分爲二隊爲伏兵教場寬闊因立瞭臺三座相去各數百步一西一東一又東當各旗官兵分隊站立之際卽飭正藍鑲藍兩隊伏兵潛行伏於又東瞭臺之東於是鑲黃等六旗各統領率同隊長兵丁吹海螺齊以列陣各隊官兵俱各整立中軍揮旗止海螺鳴號砲三擊鼓各隊按次前進至西瞭

臺前哨馬兵報於中軍該章京卽揮鑲白正紅之旗鳴砲以前隊及右翼官兵吶喊而出向瞭臺先操以三進連環鎗繼以拋擲火毬繼以連射當是時中軍揮正白鑲紅之旗鳴號砲一後隊及右翼官兵穿出整隊正進至東瞭臺兩隊同擊鼓鳴砲一兩隊官兵吶喊前進操演與前隊右翼同當是時前隊右翼官兵檢拾箭枝已畢與中軍官兵相繼趨至前隊與右翼紮住不動吹螺鳴砲一獨中軍官兵前進與後隊左翼相合操演如前正操時中軍揮鑲白正紅之旗鳴砲三前隊右翼官兵

西陲要畧卷三

三

粵雅堂叢書

亦照後隊左翼官兵旁出整隊前進吹螺行至瞭臺其鳴砲操演與後左翼同當是時中軍及後隊左翼檢拾箭枝已畢相繼趨至吹螺紮住中軍揮正黃之旗殿後援兵鳴砲一吶喊出戰與前隊右翼官兵相合操演亦如前當是時中軍揮鑲紅正白之旗鳴砲三後隊左翼官兵卽分隊旁出未至又東瞭臺之際其先分投埋伏之兩藍旗官兵靜待中軍號砲至是中軍揮兩藍旗鳴砲三兩伏兵各奮勇吶喊出戰俱各進至瞭臺一箭之地揮旗勒隊見後隊與左翼官兵正在操演各鳴信砲

一卽與後隊左翼官兵合演烏鎗繼擲火毬又繼以連射演畢與前隊右翼中軍後隊中翼合兵齊至中央吹螺收軍中軍復吹海螺鑲藍正藍二旗在前分隊行走次鑲白鑲紅次正白正紅按隊續行次中軍接行殿後正黃旗仍尾行整隊俱各站立中軍揮旗鳴砲三各隊俱鳴鼓緩退當是時中軍若揮某隊之旗令向某方操演則某隊之兵突出前往操演又接揮某隊之旗突出援之繼操已畢吹螺復整大隊如例操式合操三進聯環畢按步伍分列八隊紮住吹螺而撤

西陲要畧卷三

西
粵雅堂叢書

每年十月演砲時所有行操官兵帶赴紅山口教練山操一次以習槍上壓下之法

錫伯索倫察哈爾厄魯特四營各於屯所游牧處隨時操演烏鎗騎射

綠營操演兵一千二百名隨時操演屯田兵一千八百名秋收後輪流操演兵丁俱習鎗箭間習刀矛籐牌每年十月滿營及綠營官兵在紅山口演放砲位

每年春秋分旗在四城門樓清晨演吹海螺二月十五日起三月初一日止七月十五日起八月初一日止

將軍隨時親赴教場閱看本城滿營官兵技藝其惠甯城滿營官兵技藝每年於夏秋間前往該城閱看冬月赴綏定城閱看綠營官兵技藝

每年八月將軍帶領各營官兵前往哈什地方演圍

每年十月間八旗陳軍器於東城門外教場按旗排立

將軍親往查閱

每年八九月間將軍派領隊大臣帶同官兵巡查哈薩

克邊界酌收馬稅踰一二年派領隊大臣帶同官兵巡

查布魯特邊界

哈薩克游牧自西而北過塔爾巴哈台直接科布多交界每年巡查哈薩克邊

西陲要畧卷三

五 粵雅堂叢書

界原爲收取馬租定例不准冀圖多收量其所能而取之所以示體恤也至布魯特邊界遠在西南哈爾奇喇卡倫以外越善塔斯太畢勒哈圖等山行數百里始見其游牧之人至特穆爾圖淖爾兩岸間有布魯特所種田地尙之巡查官兵誤聽嚮導厄魯特謊言每每踐踏田禾此項厄魯特皆平定準噶爾時竄赴布魯特因被凌虐始行投出大凡巡查邊界之領隊大臣莫不尋覓通曉布魯特言語之厄魯特以爲通事並爲嚮導而厄魯特藉此洩忿卽以布魯特必須踐踏其田禾使知畏懼爲言是以每逢巡查竟將踐踏田禾稟知將軍相沿已久遂爲成例後有察哈爾部落副總管職銜巴雅斯瑚朗者具言其狀自是以來巡查邊界之領隊大臣始禁官兵踐踏田禾布魯特人等無不頂感

皇仁羣相歡悅蓋邊界者係指卡倫以外接界處而言果其於卡倫界內種地自應踐踏驅逐此在卡倫以外數百里之遠本與邊界無涉且該游牧人等藉種地而資生計豈可聽從厄魯特任意踐踏因推所以深人布魯特游牧巡查之故起自副將軍侯富德當時因向

哈薩克追阿睦爾撒爾無獲折赴布魯特至喀什噶爾
追討回逆霍集占等中途曾經具
奏布魯特游牧原係準噶爾所有至後始有巡查布魯
特之役其實布魯特並非準噶爾所有該部落沿邊頭
人名之曰比卽伯克之稱投誠以來一如哈薩克恭順
以此較之名雖巡查邊界實則巡查游牧若不嚴禁官
兵藉端滋擾殊不足以服外夷之
心此事余知之最悉因附識於此

西陲要畧卷三

六
國雅堂叢書

牧養

伊犁牧廠始自乾隆二十五年陸續由阿克蘇烏魯木齊並張家口外牧羣達里剛愛等處運到孳生馬一萬四千零三十三匹又陸續購買孳生馬三千五百二十六匹三十年起至五十八年將軍保甯 奏准爲止陸續收獲孳生馬一萬一千零一十四匹共孳生本馬二萬八千五百六十九匹按立馬年限先後分爲三限取孳謂之三年一均齊每三年本馬三匹取孳一匹統計每三年共取一歲至三歲孳生馬駒九千五百二十四匹截至嘉慶十三年七月止除照例撥補撥運各處應用外現存孳生及新收各項馬匹共計一萬一千零七十四匹

西陲要畧卷三

七 粵雅堂叢書

乾隆二十七年陸續由烏里雅蘇台等處并達什達瓦厄魯特由熱河帶來孳生牛五千五百六十一隻又陸續購買孳生牛一千五百七十六隻三十一年起至五十八年將軍保甯 奏准爲止陸續收獲孳生乳牛七千七百零八隻除撥給三千戶回子牧放抵補倒斃種地耕牛並不另行取孳之三千隻牛外共

孳生本牛一萬一千八百四十五隻按立牛年限先後分爲四限取孳謂之四年一均齊每四年本牛十隻取孳八隻統計每四年共取一歲至四歲孳生牛犢九千四百七十七隻截至嘉慶十三年七月止除照例撥補撥運各處應用外現存孳生及購買哈薩克牛共計八千六百八十二隻

乾隆二十六年陸續由烏里雅蘇台運到兒騾駝并備差駝內挑出孳生駝一千五百一十一隻三十一年起至嘉慶七年止陸續收獲孳生駝二千六百六十

西陲要畧卷三

六
國子雅堂叢書

五隻共孳生本駝四千一百七十六隻按立駝孳生定例分爲五限取孳謂之五年一均齊每五年本駝十隻取孳四隻嘉慶七年起限扣至十二年限滿應行取孳因於嘉慶九年被災奏奉

恩旨再展一限扣至十七年限滿應收孳生駝羔一千六百七十二隻官廠現截至嘉慶十三年七月止存備差駝一千五百九十三隻

乾隆二十六年陸續由巴里坤烏里雅蘇台等處運到孳生羊八萬七千四百三十五隻二十八年起至三

十七年止由口食羊內陸續挑出并購買哈薩克孳生羊五萬九千七百六十隻察哈爾厄魯特兩營共領孳生本羊一十四萬零六百九十五隻按立羊之年定爲一限取孳謂之一年一均齊每一年本羊十隻取孳三隻統計每一年共取孳生一歲羊羔四萬二千二百一十一隻俱係按限收取隨年搭放官兵口食之需後於乾隆五十三年將軍保甯因按年所取察哈爾厄魯特孳生羊羔將至一歲不堪搭放官兵口食 奏明於另廠牧放購買哈薩克大羊內五

西陲要畧卷三

九 粵雅堂叢書

十四五八等三年代察哈爾厄魯特放過兩城滿營及綠營官兵等口食大羊共十三萬八千零七十隻截至嘉慶十三年七月止現存孳生口食羊一歲至三歲共五千八百五十隻又另廠牧放購買哈薩克大羊一萬六千八百六十五隻

每年約估分撥馬牛數目

綠營屯田兒騾馬九十四匹犍牛一百三十五隻

綠營頭二兩起外委兵丁補缺過伍騎操馬一百三

四十四匹不等

回子種地補缺馬牛九百匹

烏魯木齊補缺騎操駙馬五百九十二匹

內地各營補缺駙馬五六百匹至一千一二百匹不等
烏魯木齊屯田台卡補缺兒騾馬一二百匹至五六百匹不等
犍牛八十隻至一二百隻不等

阿克蘇咨調補缺駙馬八十六匹犍牛二十七隻

伊犁南北軍台補缺駙馬九十四匹犍牛二十三隻

銅廠補缺兒騾馬三匹犍牛四隻

寶伊局補缺駙馬一匹

西陲要畧卷三

三
粵雅堂叢書

春秋二季致祭山河廟宇祠堂等處供用犍牛二十隻
此外尚有南路各回城咨調馬牛數目每年多寡不
等

西陲要畧卷之四

前史官壽陽祁韻士鶴臬輯

土爾扈特源流

土爾扈特舊爲四衛拉特之一徙居俄羅斯境其俗重黃教置鄂拓克設宰桑悉同準噶爾乾隆三十六年其汗渥巴錫等率全部來歸受封爵先是康熙年間有阿玉奇汗名最著慕

天朝威德曾通貢

聖祖仁皇帝遣侍讀圖麗琛等假道鄂羅斯往宣

西陲要畧卷四

一 圖雅堂叢書

諭而俄羅斯故爲紆繞其程凡行三年又數月始反命圖麗琛有異域風土記紀其事阿玉奇之父曰棚楚克其祖曰書庫爾岱青其曾祖曰和鄂爾勒克其高祖曰卓立甘和鄂爾勒克其高祖之父曰貝果鄂爾勒克以上世遠無可攷自貝果鄂爾勒克至和鄂爾勒克皆單傳和鄂爾勒克有子六人一卽書庫爾岱青餘三無子其二有子孫皆式微無足傳書庫爾岱青子四人絕嗣者二其一卽棚楚克是爲汗渥巴錫之曾祖其一曰那木策楞是爲郡王巴巴爾之曾祖阿玉奇有子八人

其六皆無嗣其一曰袞扎布是爲親王策伯克多爾濟之曾祖其先世之徙俄羅斯也蓋自阿玉奇之曾祖和鄂爾勒克始其時四衛拉特各自爲汗無所統屬和鄂爾勒克與準噶爾巴圖魯渾台吉不睦率子書庫爾岱青等北徙俄羅斯屯牧額濟勒河倚騰吉思巨澤所居地曰瑪弩托海時阿玉奇尙在襁褓以巴圖魯渾台吉乃其外祖被留不遣後書庫爾岱青往西藏還至準噶爾始索阿玉奇以歸其額濟勒之境北界俄羅斯南界哈薩克東界哈喇哈爾榜西界圖里雅斯科以鄰牧互

西陲要畧卷四

二

粵雅堂叢書

市皮馬俄羅斯嘗與雪西洋及西費雅斯科戰土爾扈特以兵助之厥後稍就弱俄羅斯因稱爲己屬然本附之非降之也迨渥巴錫之父敦羅布時俄羅斯益征調師旅不息繼復徵子入質不堪其虐而俄羅斯又屬別教非黃教比故渥巴錫與合族台吉密謀挈全部歸順中國以息肩焉其遠族有舍稜者曾以計誘害我副都統唐喀祿懼誅逃往額濟勒至是亦隨渥巴錫來歸以乾隆三十五年冬自額濟勒啓行歷哈薩克繞巴勒喀什淖爾戈壁于次年六月始至伊犁之沙拉伯勒界凡

八閱月歷萬餘里本有戶三萬三千有奇口十六萬九千有奇及抵伊犁僅存其半且皆饑餒狀甚憊

高宗純皇帝鑒其歸順之誠撫而納之且爲贍其生所以優恤之者無微弗至事具

御製記中甚詳封汗一曰渥巴錫親王一曰策伯克多爾濟郡王二曰巴木巴爾曰舍棱貝勒二曰默們圖曰恭格貝子三曰沙喇扣肯曰旺丹色布騰曰雅蘭丕勒輔國公一曰拜濟呼扎薩克台吉四曰達木拜曰德爾德什曰扎爾桑曰諾海餘皆以次遞授爵秩有差渥巴

西陲要畧卷四

三 粵雅堂叢書

錫同族設十扎薩克爲烏訥恩蘇珠克圖盟稱舊土爾扈特舍棱族設兩扎薩克爲青色特啓勒圖盟稱新土爾扈特恭格雅蘭丕勒諾海本和碩特族其先亦徙俄羅斯今偕渥巴錫來歸其同族設四扎薩克爲巴圖色特啓勒圖盟游牧之地共分五處其分駐喀喇沙爾之著勒土斯地方者爲土爾扈特汗渥巴錫和碩特貝勒恭格等部眾游牧東南界喀喇沙爾城西北界伊犁之納喇特達巴罕東北界烏魯木齊南山西南界阿克蘇庫車其分駐伊犁之東精河地方者爲土爾扈特貝勒

默們圖等部眾游牧東界精河城南界伊犁圍場哈什山陰西北與伊犁屬之察哈爾游牧連界其分駐庫爾喀喇烏蘇之濟爾哈朗地方者爲土爾扈特郡王巴木巴爾等部眾游牧東與瑪納斯卽綏來縣西界接壤北與塔爾巴哈台之沙喇布拉克地方連界南界奎屯溝西界托多克軍台其分駐塔爾巴哈台之和博克薩里地方者爲土爾扈特親王策伯克多爾濟等部眾游牧西南與彼處所屬之察哈爾厄魯特連界西北與哈薩克連界東南皆戈壁荒山東北界噶札勒巴什淖爾與科布多之烏梁海接壤此四游牧卽所謂舊土爾扈特及和碩特皆屬伊犁將軍統轄者也其新土爾扈特游牧則分駐科布多所屬阿勒台地方隸科布多參贊大臣專轄此外有杜爾伯特部汗王貝勒貝子公台吉凡十四扎薩克游牧烏蘭固木又輝特兩扎薩克台吉均隸科布多以其皆爲四衛拉特之遺故併敘之

哈薩克源流

向傳哈薩克爲古大宛國非也漢書言大宛有城郭而今哈薩克則隨畜徙牧與大宛異俗且距伊犁西北二

西陲要畧卷四

四 粵雅堂叢書

面伊犁爲烏孫故地證以漢書所言烏孫西北與康居接之文則哈薩克當卽古康居國詳見

高宗純皇帝御製集中其部有三曰左部曰右部曰西部其實東中西耳距京師萬餘里向爲準噶爾所阻未通聲教乾隆二十二年大軍追勦叛賊阿睦爾撒納直入其境哈薩克謀擒之以獻其左部汗阿布賚稱臣內屬受封爵尋遣使扎噶喇等入貢是年秋參贊大臣富德率兵追捕準夷餘黨哈薩克錫拉至右部境會其與塔什罕部構釁互攻方背水決勝因遣侍衛蒙古爾岱單騎入其陣宣諭

西陲要畧卷四

五 粵雅堂叢書

威德哈薩克稽顙聽命而塔什罕回目亦悔悟息爭右部汗阿布勒比斯卽日遣使入貢其書畧曰右部與左部阿布賚同爲雄長今得均隸臣僕請陪左部自效語極真摯使至均

賜宴優賚遣歸二十四年阿布賚遣其從子俄羅斯蘇爾統入

觀蘇爾統者其汗近族之貴稱猶準噶爾所謂台吉也

二十五年復遣從子都勒特赫勒蘇爾統入

覲

上慮其道遠不能急馳傳

諭緩程而行於十月初旬至熱河而蘇爾統以九月三日自烏里雅蘇台啓行月之十八已抵波羅河屯奏言途中驛騎餼糧極蒙優恤不致跋涉之勞急欲瞻覲

天顏以抒誠悃

上優獎之其同來之陪臣鄂莫爾色楞伯特爾皆乞留

宿衛

西陲要畧卷四

六

國子雅堂叢書

命爲乾清門侍衛二十八年西哈薩克啓齊玉蘇部之努喇麗汗巴圖爾汗烏爾根齊部之哈雅布汗同遣使奉表貢

賜賚如左右二部例三十四年阿布賚遣子幹里蘇爾統等阿布勒比斯遣子卓勒齊等先後入

覲

宴賚有加四十七年阿布賚卒

上念哈薩克誠心歸順歷久益虔卽封阿布賚之子幹里爲汗尋遣其弟沙海蘇爾統來謝

恩阿布勒比斯亦遣子噶岱入

覲並

賜宴賚嗣西部努喇麗汗遣子阿布賴蘇爾統來貢卒於途陪臣哈喇托霍代至亦預

宴賚蓋自哈薩克向化輸誠以來備極恭順朝貢至今不絕云所部本回種而游牧散處無屋宇定居其屬所設鄂托克以頭目領之然攘竊成風漫無約束卽其汗亦不能禁止風俗大抵與回人相似惟不知禮拜諷經之事宴會以牛羊馬駝爲饌馬湏爲酒以衣多爲華美

西陲要畧卷四

七

西陲雅堂叢書

其附近伊犁塔爾巴哈台一帶游牧者往往潛入卡倫竊馬必嚴緝懲治之每遇冬季邊外雪大許其附近卡倫牧放牲畜暫爲度冬每馬百匹例收租馬一匹每年夏秋其台吉頭目等各率所屬分運牛羊馬匹并由安集延所販氈片牛皮等物至伊犁貿易以綢緞布疋償之塔爾巴哈台亦然其初來之時各卡倫官兵查明稟報始准放入及貿易則另派官兵照料台吉頭目照例筵宴此撫馭之大畧也

布魯特源流

布魯特在伊犁西南邊外有東西二部其游牧阿克蘇烏什西北及伊犁西南者爲東布魯特游牧喀什噶爾北與西及葉爾羌西南者爲西布魯特環繞近邊之地逐水草而居與外番安集延霍罕諸部接壤按漢書休循國出蔥嶺西捐毒國與蔥嶺屬西北皆當大宛大宛有城郭土著休循捐毒皆塞種無城郭今安集延卽古大宛城郭居而布魯特密邇與鄰無城郭當卽所謂休循捐毒二國者是又唐書西域傳大小勃律王其地直土魯番西去長安八千里以方域攷之亦卽今布魯特

西陲要畧卷四

八
粵雅堂叢書

之地詳見

高宗純皇帝御製集中布魯特向爲回部別族與中土聲教不通乾隆二十三年大軍討逆回布喇呢敦霍集占將軍兆惠以搜捕伊犁餘孽旋師會勦道經布魯特界其酋長圖魯起拜等遮道自陳言向爲厄魯特所阻外王化今西域蕩平所部人衆咸願內屬乞遣大首領赴闕輸款事

聞

上以布魯特本遐荒殊域並未脅以兵威又非馭以智

術茲望風歸附納款稱臣情詞甚爲諄懇

特允其遣使人

觀用抒向化之忱比使至

優加宴賚

上復念其部畜牧爲生非若回人之習耕作盡地利雖經募化歸誠祇令職貢效忱免其納賦布魯特感

聖恩厚亟圖報偵知霍集占被圍葉爾羌布喇呢敦自喀什噶爾往援乃以兵襲其後劫掠屬邑爲我軍應布喇呢敦懼不敢進及霍集占等敗竄布魯特兵猶攻喀什噶爾之布喇村檄以逆賊兄弟已遁葉爾羌喀什噶爾皆底定乃止尋大軍追賊至阿爾楚爾破其伏斬馘千餘是時布魯特皆隨軍爲嚮導三十年烏什逆回賴

西陲要畧卷四

九

粵雅堂叢書

黑木圖拉糾眾叛恐大軍進勦不克抗潛遣其黨巴布敦偕安集延貿易回人齋書幣間道赴霍罕乞援且通安集延道出布魯特揚言諸回城皆叛爲煽惑計適伯克噶岱默特遣屬赴布魯特額爾格訥薩爾巴噶什諸鄂拓克告言自烏什外他城悉安堵布魯特比齊里克齊乃誘巴布敦擒之遣其弟喀什噶爾們縛獻喀什噶爾伏

法賊自是窘卒就誅滅布魯特俗重牲畜與哈薩克畧同其部落沿邊散處凡十有七大首領稱爲比猶回部阿奇木伯克也比以下有阿哈拉克齊大小頭目皆由喀什噶爾參贊大臣

奏放給以翎頂二品至七品有差每歲遣人進馬酌賚綢緞羊隻商回以牲畜皮張貿易至者稅減內地商民三分之一其游牧之地有近伊犁界者間歲將軍遣領隊大臣親往巡查一次至常年稽察約束則歸喀什噶爾參贊大臣專轄

西陲要畧卷四

十
粵雅堂叢書

霍罕路程記

西陲荒服自左右哈薩克東西布魯特而外若安集延若瑪爾噶朗若那木塔什若塔什罕若博洛爾若巴達克山若愛烏罕若痕都斯坦若布哈爾諸部於古皆為大荒以西自新疆戡定以來無不向化歸誠虔奉職貢凡夫八駿四駿之馬白鷹海青之鳥以及劔斧刀匕首之器琛賁疊獻藉申悃忱見于

高宗純皇帝御製詩集者不可勝紀諸部中以霍罕為最大今記其路程里數于左

西陲要畧卷四

土 粵雅堂叢書

喀什噶爾至木什卡倫九十里 有柴水草居住明伯克一名喀什噶爾回子一

名百

木什卡倫至汗玉罕六十里 有柴水草

汗玉罕至特爾勒克六十里 此處出鉛有柴水無草

特爾勒克至庫舒烏珠黑六十里 有柴水草

庫舒烏珠黑至鄂克蘇嚕爾三十里 小達巴罕一座有柴水草

鄂克蘇嚕爾至峩斯克奇克七十里 有柴水草

峩斯克奇克至色爾哩克野塞三十里 有柴水草

色爾哩克野塞至納哈爾察勒迪四十里 有柴水草

納哈爾察勒迪至伊根二十里

有柴水草

伊根至托海巴什五十里

有柴水無草

托海巴什至依克依雜克達巴罕十里

依克依雜克達巴罕至依克依雜克布拉克三十里

兩處

有水草無柴

依克依雜克布拉克至庫庫蘇四十里

有水草無柴

庫庫蘇至鐵葉爾哩葉克達巴罕下三十里

有水草無柴

鐵葉爾哩葉克達巴罕下至達巴罕十里

過嶺至色哩庫楚克七十里

有柴水草

西陲要畧卷四

三 粵雅堂叢書

色哩庫楚克宿一日至塔爾噶拉克六十里

有柴水草中間沙爾

騰恩格斯亦通喀汁噶爾

塔爾噶拉克至圖巴爾拉克塔木三十里

有水草無柴有坍塌土城

墻圍周圍一里之地此處是戕德格訥所管阿塔布托游牧修橋路之十餘戶布魯特

圖巴拉克塔木至古勒沙四十里

有柴水草

古勒沙至圖古爾克托海七十里

有柴水草中間有噶布蘭蘇提布拉克二

處達巴罕

圖古爾克托海至鄂什九十里

此處有土城一座霍罕所管三百餘戶回民住

所此城有辦事一人名曰阿克呢雜爾又有管兵一人名曰伊爾哩扈哩又有一河名曰阿克卜古拉爾

有

水草
無柴

鄂什至阿拉班五十里 有小土城一座只有西門一座此城有所在五十餘戶回民無

柴無
水草

阿拉班至明圖伯四十里 有坍塌土城墻圍周圍三里之地此處是霍罕十餘戶回

子住所有水草無柴阿拉班至明圖伯舊扈什齊游牧人等耕田之地

明圖伯至扈巴六十里 有小土城一座霍罕五十餘戶回子住所有水草無柴

扈巴至瑪爾噶浪六十里 有回民三千餘戶再沙拉斯瑪胡斯人等所住之處瑪爾

噶浪有納爾巴圖之子邁瑪迪敏統轄伊等都管伯克呢雜爾鄂布勒克色木等幫辦有水草無柴

瑪爾噶浪至阿克圖伯四十里

西陲要畧卷四

三 粵雅堂叢書

阿克圖伯至布拉克巴什八十里 中間布帕拉散阿拉

莊子五六十戶起至二百三十戶不等回子住所

布拉克巴什至霍罕六十里 塔爾噶拉克起自沙爾騰

什四十里有柴水草

托海巴什至沙爾騰達巴罕之根三十里 有柴水草

沙爾騰達巴罕至愛哩雅瑪九十里 有柴水草

愛哩雅瑪至托海巴什八十里 兩中間有嶺二處有柴水草

厄魯特舊俗紀聞

昔準噶爾厄魯特未滅時分統四衛拉特皆有大台吉主之亦稱汗餘小台吉皆汗之宗屬爲之其臣下謂之宰桑大臣稱圖墨什其次稱札爾扈齊佐圖墨什理事者其汗所屬人戶曰鄂拓克台吉所屬曰昂吉猶言部分也鄂拓克游牧環其汗所居昂吉游牧環諸鄂拓克其辦理喇嘛之事曰集賽以宰桑領之守邊界之人曰札哈沁司礮者曰包沁包者礮也以鐵爲腔駕於駝背以施放者俗最重黃教凡決疑定謀必咨於喇嘛而後

西陲要畧卷四

西

粵雅堂叢書

行喇嘛坐牀者爲西勒圖坐牀卽掌教也人生六七歲卽令識喇嘛字誦喇嘛經病則先延喇嘛誦經然後服藥若大台吉有事諷經則其下爭輸貨物於喇嘛以爲禮衆喇嘛聚而諷經之室曰都綱噶爾丹策凌時曾於伊犁河之北固爾札河之南海努克建立都綱三層繚垣周一里許聚集喇嘛令其五鄂拓克輪值供養之謂之塔本集賽塔本言五集賽言輪值也歲首盛夏其膜拜頂禮者遠近咸集往往捐珍寶施金銀以事莊嚴廟之閎壯甲於漠北阿睦爾撒納之叛賊黨肆劫焚掠廟

乃燬廢今巴彥岱之南地名金頂寺是其遺址準夷不
習耕作以畜牧爲業飢食其肉渴飲其酪寒衣其皮馳
驅資其用無一不取給於牲欲粒食則因糧於回部回
人苦其鈔掠歲賦以粟然僅供酋豪餽粥其達官貴人
夏食酪漿酸乳冬食牛羊肉貧人則但食乳茶度日畜
牧之外歲以熬茶西藏爲要務其酒縫皮爲袋中盛牲
乳束其口久而釀成味微酢謂之捫酒每歲四月馬湮
新得時置筵酬神詐馬爲慶謂之玉醴斯蒙古亦然但
不如其盛耳廬帳方位以東爲南南爲西西爲北北爲

西陲要畧卷四

五

國朝雅堂叢書

東戶必東面猶內地之南向也飲食用梔用匕而不用
箸其匕之制大小不同以木與皮爲之其地有樹如韃
取其油以爲燈火云冠無冬夏之別但以毛質厚薄爲
差白氊爲裏外飾以皮貴者飾以氊或染紫綠色其頂
高其簷平謂之哈爾邦畧如內地暖帽而綴纓止及其
帽之半婦人冠與男子同帶以絲爲之端垂流蘇其長
委地婦人辮髮雙垂約髮用紅帛在辮之腰肩間綴以
好珠瑟瑟之屬望若繁星呼袍爲拉布錫克台吉用錦
緞爲之飾以繡宰桑則絲繡璫碧爲之賤者多用綠色

禦冬無棉以駝毛爲絮名庫棚亦有祇衣羊皮者皆右衽平袖四圍連紉男子衣不鑲邊婦人衣用棉繡兩肩兩袖及交襟續衽處鑲以金花其民婦則以染色皮鑲之台吉鞮以紅香牛皮爲之中嵌鹿皮刺以文繡宰桑用紅香牛皮不嵌不繡民人曳皮履或黑或黃無敢用紅者婦人鞮貴賤視其夫有都爾布錦者以羊毛織成若內地之坐褥然其文字謂之托忒共十五字頭每字頭凡七音共得一百五音其法直下右行用木筆書之或削竹爲筆長四寸上闊而下銳取墨以作書謂之烏

西陲要畧卷四

六

粵雅堂叢書

珠克台吉宰桑所居皆建旗幟或以綠緞或以綠色布幅爲之書喇嘛經咒於其上遇風展動則種福與諷誦等台吉之印其形圓範金爲之宰桑以下之印或以銀或以銅鐵錫五金備用各視其職掌以爲差等四時不知甲子祇以十二物紀年如歲在寅則爲虎年之類每歲元旦四月八日五月望日十月二十五日爲四大節禮佛諷經不殺生春月女子有踢鞠之戲秋月酋長有馬射之棚長夏親朋有馬湏之會三冬穉孩有潑水之樂積年置閨亦同中國但不拘月分屆當閨之年宰桑

等請於大台吉隨意中所欲置閏於某月遇小建之月亦不必定無三十日隨台吉之意而去一日焉自寅至丑每月俱可閏自朔至晦每日皆可虛也其地亦無二十四氣星家之書名珠露海男女婚姻以羊馬爲聘禮婚之日壻至女門女家諷喇嘛經壻與女共持一羊脾骨拜天地日月夫婦交結其髮女家爲設蒙古包以成婚明日壻先歸別擇日以娶婦乘馬至壻家諷經亦如之人死不立喪制子孫親屬丐延喇嘛諷經檢珠露海所載有應五行葬法則以其法葬之如應金葬則置

西陲要畧卷四

七
粵雅堂叢書

諸山應木葬則懸諸樹應火葬則焚諸火應水葬則沈諸河應土葬則埋諸地若不應五行葬則撤蒙古包棄尸道旁自亡日起諷經四十九日不殺生不薙髮有翦髮以爲孝者每忌日設果食湏乳以祭遇草青時子孫思其祖父亦酌奠於野至從軍失伍者冠以紙冠并令其妻服短布衣遊行示辱盜馬者罰九牛或九羊九馬給事主無牲畜者則以盜者之妻給事主以償之無妻則鞭其腰其刑罰若此所用錢名普爾回人所輪制小而厚橢圓而首微銳中無方孔面鑄準部台吉之名背

附以同字凡台吉新立輒更鑄舊錢皆銷其樂器多以
馬鬃尾爲絃無用絲者絃之大小以鬃之多寡爲差亦
間有皮絃者樂音大抵以絲爲主而竹附之其鼓曰鏗
格爾格喇嘛諷經用之有曲曰遜雅布圖達爾者皆彼
中頌禱之辭歡會宴飲所用也其俗尙之大畧如此

西陲要畧卷四

大
粵雅堂叢書

同俗紀聞

同俗不信佛書事天爲本有禮拜寺而無像設誦經其中相傳爲排哈木巴爾裔其祖國曰默特納卽史所載默德那國也熟於經典者名曰阿渾每七日輒爲眾誦經祈福一次其紀年有地支而無天干三百六十日爲一年月無小建歲無閏滿三百六十日謂之大年大年第一日如內地元旦伯克詣禮拜寺燻前行禮殺羔祭天大小相慶賀過年節謂之入則先期三日必把齋不茹葷不殺生把齋於日出閉關至日落星全方飲啖大

西陲要畧卷四

九
粵雅堂叢書

年之前十五日謂其主下降察人善惡舉家誦經不寢達旦懸葫蘆燈於樹頭油盡燈落則踏破之以爲破除一切災咎也回字凡二十九字頭或兼數音而成一字或聯數字而成一音其字書名阿里卜占候書名嚕史訥默史名陀犂克童子能書記者謂之墨嚕至阿渾則能解其文義眾皆敬信之遇有疑難必問阿渾行止俟其一言而決卽男女婚嫁皆所主持雖謬誤不少怨悔俗忌食豕肉他牲非其人自宰殺去血淨者不食見人無跪拜之禮見尊長及伯克交手當胸而頓其首謂之

阿斯拉木惟納馬茲始跪拜納馬茲者送日西人禮拜之名然自歸化以來見內地官長皆跪拜請安蓋敬之如天日神人矣無姓氏宗譜呼婦人爲鴛哥婚姻之事婿家邀媒至女家以連襟爲詞不直言議婚既許諾則宰一羊藉之以綢覆之以被送女家爲定前娶之三日婿宿女家而不入內屆期女家延阿渾誦經以氈毯昇女出門抱之上馬至家先拜竈神潑油於竈門然後入房或半年一年新婦始去障面出見舅姑夫婦若不睦輒自離異謂之揚土爾其帽冬用皮夏用綢緞猩氈爲

西陲要畧卷四

子

國方雅堂叢書

頂倭緞爲翅凡官長帽頂高尺餘尋常帽頂高五寸前後翅各五寸男翅兩平女後翅少垂頂飾花紋而不綴纓牛羊之皮爲韉爲履皆朱色女子辮髮數十嫁後一月則梳髮後垂以紅絲爲絡末綴細珠寶石珊瑚之屬貧有喪者則否所衣之袍謂之托恩大領窄袖男右衽女做前襟內襯衫襖領無釦袖不鑲四圍連紉貴者用錦繡及貂爲之呼棉花爲白荅餅餌爲囊牛馬乳釀酒爲阿拉占酸乳爲氣格卽馬捫也樂器以鼓爲主大小不一制又有提琴洋琴之類歌舞盤旋皆以鼓爲節日

中之市名爲八雜爾每七日一集交易以內地元寶爲貴否則疑有贗偽錢以紅銅爲之一錢爲一普爾五十普爾爲一騰格量穀麥以帽數多則用他哈爾卽小布袋也大者謂之帕特瑪其人性巧善雕刻準噶爾時呼之爲和通又趨捷者善繩技蓋古尋橦度索之遺俗好育鵬鴞富者多至數十司飼養者謂之鵬師齊鞫囚之法縛置高處令足不著地以繩勒其腹不服則鞭其腰或囚之於地牢中地牢者掘地爲牢方深二丈餘以草木泥土覆之開一竇於上通飲食污穢不堪坐臥吐實

西陲要畧卷四

三 國雅堂叢書

後設木架懸以示眾三日無不死者其酷特甚自投誠以來凡遇死罪之囚俱各報明處以律其罪輕者准依回俗折贖無復向之殘酷矣居喪無服制惟屏紅綠著黑布而已貧者以白布纏尸昇而瘞之富者或斂以棺其上所覆綢緞分致送葬者爲製小帽起墳多肖棺形或開穴或緣琉璃爲飾率在孔道之旁謂往來人多爲之念經祈冥福云

西陲要畧卷之四

譚瑩玉生覆校

右西域釋地一卷西陲要畧四卷並壽陽祁鶴皋先生
謫戍時所著西域釋地於天山南北兩路分疆域山川
二篇條分件繫考證綦詳西陲要畧又有疆域總敘山
川總敘疑前後脫稿互有詳畧未編合爲一耳西陲要
畧自序於丁卯爲嘉慶十二年塔爾巴哈台自博洛呼
濟爾卡倫至札哈蘇淖爾卡倫爲嘉慶十三年奏明改
設新疆兵屯視倉儲多寡隨時增減以一千二百名差
操一千八百名屯種分爲十八屯者亦嘉慶十三年奏
行之案又牧養馬牛羊亦截算至嘉慶十三年七月止

西域釋地西陲要畧跋

一

粵雅堂叢書

是自序於前後有增改矣考是時將軍松文清公爲伊
犁總統事畧編纂實出先生之手故錄存簡要以成是
書是以兩書序述無異厥後徐星伯再事纂修文清以
其書奏進 賜名欽定新疆識畧其新定事宜有先

生著書時所未及見者又如西域釋地載伊犁河入哈
薩克界遇沙而伏按西域輿圖伊犁河北流入巴爾噶
什泊非遇沙而伏回俗紀聞回字二十九字頭西域水
道記云其字曰哈特凡二十八頭或傳聞之異或偶爾
筆誤此外則皆綜覈圖籍得諸目驗博古通今莫不明

確蓋生逢

聖代當敷天祗屬之時閱歷萬里如履閨闈固非昔人
潛行竊睨依稀影響者所能及矣重刊流布俾求邊庭
故事者得要領焉同治壬戌春分後一日南海伍崇曜
謹跋

西域釋地百隘要畧跋

二

粵雅堂叢書

